

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 29 1940

77

T 3193/0.82

江西通志卷第一百五十五

哈佛大學漢和圖書館珍藏印

藝文

詩九

七言律

明

陪臨川公遊天池

高啓

騎馬尋幽度嶺遲老僧不識使君誰
門開紅葉林間寺泉浸青山石上池
殘果已收猿食少枯松欲折鶴巢危
壁間不用題名字無限蒼苔沒舊碑

登豫章城憶滕王閣故基

楊基

豫章城郭楚江濱帝子笙歌迴不聞
十載以前猶有閣三王之後豈無文
春風南浦青青草暮雨西山淡淡雲
若對畫圖悲蛺蝶落霞孤鶩正思君

寄鐵柱觀左鍊師

劉崧

紫霞樓上左仙翁，還在南塘在玉隆。
虛閣飛鳥雲影外，亂山騎虎月明中。
銅駝荆棘秋風落，鐵柱波濤海氣通。
別後玉簫渾少聽，令人長憶萬年宮。

題浪川洞

一洞深連三十里，兩崖高聳百千峰。
溪流交路爭穿草，日色窺林半隱松。
野碓春泉秋雨急，土窰煉石晚煙濃。
雲深不記平畬路，月落時聞資福鐘。

發匡廬

王沂

揚舫晚望匡廬去，彭蠡風高水正渾。
今古雲屏千疊秀，東南天塹五峯尊。
石林亂後松苗長，僧寺燒殘蔓草繁。
欲訪謫仙游寺處，哀猿嘯雨不堪論。

風雨過鄱陽湖有感

林常

三月雨多風滿天，湖中水高難繫船。
大魚跳浪白如雪，好山隔岸青於煙。
去官莫過彭澤縣，讀書擲上匡廬巔。
人生百年苦行樂，帝鄉遙遙心自憐。

過彭澤縣

胡子祺

山郭蕭條楚水濱，數家茅屋自爲隣。
梁公祠下斜陽暮，陶令門前五柳春。
當日賦歸此爲酒，此時懷古益沾巾。
千年惟有柴桑月，曾照羲皇以上人。

杉關

蕭岐

聞說杉關道路難，我行今日到杉關。
良田流水七八月，華屋長橋數十間。
茅舍避人常塞戶，筍輿送客遠登山。
布帷撥盡秋陽裏，時有清風拂醉顏。

追輓謝壘山張孝思詩

胡儼

潮過錢塘王氣收兩宮北去竟誰留
塞旗獨倡勤王意當軸曾無負國羞
幽憤十年遺涕泪孤忠七日死拘囚
江東十問今猶在可惜英雄志不酬

得脫鯨鯢遂突圍驅馳不解戰時衣
此身報國心常在遠道投人事已非
一旅奮戈猶敵愾二龍浮海竟何依
當時聞帥忠貞士誓死同心志不違

又賦孝烈橋

壘山女嫁周氏聞父母死鬻奩構橋橋成投水死

父死家亡母自經可憐形影獨娉婷
奩金散盡橋初就旅櫬無歸泪輒零
自分寒流沈白壁誰來夜月見輜輶
一門一節人間少安得穹碑與勒銘

鄒大洞

細草清風一逕賒尋源不必問桃花
千年仙鼠飛晴雪五色靈芝絢綵霞
瀑布巖前泉似乳芙蓉峯下棗如瓜
蕭郎子雲採藥知何處空見林中鹿引車

題貞女劉氏卷

并序

鄒說

貞女者淦城劉均尚志之女也許適南昌趙主簿之子世亂道阻故婚禮未成歲癸巳鄉之為強暴而擅生殺者欲強委禽焉女謀於父母自度不能拒即投井死文江解先生蒙聞而哀之為作傳而安城劉君霖復銘墓碣先是其二昆皆從穆監州舉義兵而死云

玉鬢泓澄百尺深翩翩弱質自浮沈
筭纓恐負生前約鐵石尤堅地下心
碑述孝娥追舊誅傳同烈女繼徽音
二難義俱無忝共慰嚴親雪滿簪

百華寺

練子寧

閒抱瑤琴訪百華上人還與論三車能分香積厨中飯慣煮
孤山雨後茶洗墨池荒秋草合讀書臺古夕陽斜壁間正好
題詩句留取他年護絳紗

遊承天宮

解縉

玉笥承天老子宮平原十里萬山中三千歲後桃花老二十
四橋秋水通梅子廟荒秦樹倒何君石在古苔封同遊感慨
知多少雲物淒涼夕霧重

遊閻阜山

閻阜雲兼野水流謾傳先聖昔曾遊豈知漢晉遺風遠祇有
宋元文字留山勢北來開菡萏關門南下壯金牛野翁為說
天書降曾有紅雲捧玉樓

螺岡晚照

金幼孜

螺阜蒼蒼紫翠浮夕陽倒影映河流白雲半壁峰前暮黃葉
孤村雨後秋漸聽樵歌歸谷遠恍聞僧磬出巖幽昔時行處
今成夢回首令人憶舊遊

南昌八景

曾棨

城外青山爽氣浮重巒疊嶂擁南州四時秀色含雲霧萬壑
寒光逼斗牛野樹迴連空翠合澗泉長繞畫屏流由來此處
多仙境那得飈車汗漫遊

西山積翠

悠悠片影楚江涯漠漠輕陰傍釣家乍逐渚煙籠草色還隨
灘月隱蘆花風吹暝靄收殘雨日絢晴暉帶落霞幾度雁歸
迷宿處數聲嘹唳隔寒沙

南浦飛雲

東湖老樹拂晴雲樹裏空亭識聘君鶯轉綠陰初過雨鴉啼

涼影半斜曛誰懸木榻延高士空致生芻弔古墳千載高風
遺像在令人懷仰挹清芬徐亭烟樹

茗堯高閣出洪州佩玉鳴鑿帝子遊謾有文章傳盛事更無
賓客宴清秋綺羅香逐浮雲散絃管聲隨逝水流莫向畫圖

看蛟蝶夢來何處問莊周滕閣秋風

冶金為柱出神功長鎖蛟螭在此中迴壓鴻龐消蜃氣直臨

渤澥鎮龍宮江波噴浸孤根穩地脉勾連八索雄萬古旌陽

遺跡在藥珠樓觀勢凌空鐵柱仙蹤

聞道堯時一老仙燒丹鑿井不知年長因洗藥浮香氣偶為

開爐泛瑞煙靈液晝凝封寶鼎神光夜發照寒泉誰能嚙嗽

通行術凡骨飄飄比蛻蟬洪崖丹井

月落西山欲曙天渡頭人語古城邊鐘聲杳靄臨江戍帆影

參差隔浦船幾處靡蕪深夕露萬家楊柳驪晴煙年年過客

頻來往誰復東流歎逝川章江曉渡

晴沙如雪照斜暉一望川原夕靄微霜落空林秋葉下天連

遠水暮帆歸殘煙漠漠孤城閉極浦蒼蒼一鴈飛自是江南

多勝槩此中風景世應稀龍沙夕照

泰和山八景

茗堯太嶽最高峰屹若擎天一柱雄氣接金莖分夕露勢同

玉笋插晴空危峯半出星辰上絕頂孤撐霧靄中不用飈輪

周八極憑虛一覽思無窮天柱凌雲

玉虛樓觀隱仙靈四面峯巒擁畫屏松逕晚陰山霧黑芝田

春暖野烟青瑤臺鶴去風聲遠石洞龍歸雨氣腥遙想雲車

來往處碧霄涼冷夜冥冥玉虛環翠

五龍宮闕鎮天湫往日龍君此處遊曾捧祥雲通北極還爲
甘雨沃西疇蜿蜒尚想隨鸞馭慘澹猶疑結蜃樓神物化時
何處問滿山涼葉亂吟秋

五龍披霧

派出仙源徹底清褰裳九渡聽波聲紫巖乍覺跳珠亂濺石
長疑碎玉鳴鴨綠微茫通漢沔虹流滉漾接蓬瀛幾迴欲逐
漁舟去恐有胡麻泛水輕

九渡鳴泉

南巖屹立勢崢嶸萬仞凌空玉削成翠壁潤含蒼蘚合畫屏
晴落白雲輕飛來鴻鵠應難過欲度猿猱謾自驚料得真仙
時到此月明碧落有歌聲

南巖峭壁

紫霄宮闕枕危巒露濕芙蓉黛色寒萬壑浮嵐通窈靄半空
峭壁聳巒屹雲霞多向中峰出星斗疑從下界看定有飛仙
凌絕頂洞簫聲裏夜乘鸞

紫霄層巒

青陽振蟄暖初回殷殷遙聞洞裏雷霹靂自知隨候應砰訇
長是被春催推車暗覺驅雲去振鼓旋驚挾雨來欲訪靈湫
何處覓幾回不敢傍巖隈

雷洞發春

縹緲瑤臺絕點塵憑高霽色望中新扶桑影動千峰曙瑤草
香生幾洞春松露滴殘驚鶴夢海霞飛散見烏輪懸知夜禮
星辰後長聽金雞又報晨

瓊臺霽曉

黃潭秋月

何文淵

不到黃潭四十年潭邊景物想依然
蒼龍盆在懸崖下棲鶴巢當怪石前
清映三台天景霽光搖萬頃月華圓
遙看繫棹垂楊岸渾似東坡赤壁船

豫章十詠

王直

高風千載動延津還有孤墳楚水濱
微雨落花空白日東風

啼鳥自青春城隅故老看園樹亭下遊人薦渚蘋喜遇聖時
崇廟祀諸生何幸挹清塵澹臺墓

荒城駐馬送斜曛城上迢迢客路分開國已經唐帝子建牙
猶記漢將軍遺墟寂寞聞狐語野水微茫起雁羣欲問向來

千載事西風黃葉落紛紛灌嬰城

昔聞抗疏動皇州萬里空懷社稷憂漢苑漸看芳草沒吳門
還為白雲留石壇煙繞三山迴琪樹風生一鶴秋獨酌忠魂

陳桂醕故宮寥落楚江頭梅真觀

白石空壇隱翠微仙家自與世人違幾年天上乘龍去何日
山中化鶴歸雨後風雷藏洞府夜闌星斗落巖扉金芝瑤草

春長在誰學長生暫息機葛仙壇

京華東去泛舟初豈為伊人致起居契濶自成千里夢浮沈

應任幾封書寒沙渺渺迷鴻雁遠水冥冥化鯉魚千古江山
今尚在思君不見謾躊躇投書浦

當年淪謫下雲山回首羣仙杳莫攀尚有高情超物外謾留
遺墨向人間鳳巢故館今猶在虎嘯中林去不還獨倚闌干

春日晚鳥啼花落石苔斑寫韻軒

寶塔崔嵬近日華雕甍繡拱護清霞風飄靈籟和天樂雲繞
回欄助雨花直視湖山千里道下窺城郭萬人家高秋却憶

曾題處何日還迴上漢槎繩金塔

翩翩仙侶下漣漪香霧霏微濕翠旗鵲渡銀河當七夕鶴歸
瑤島已多時蕭條楊柳秋風後零落芙蓉夕露滋青鳥不來

雲路香鳳簫空向月中吹浴仙池

荒涼舊宅鎖寒煙獨訪遺蹤思渺然絕俗高風前史載凌雲

佳句後人傳清泉白石應須惜細草幽花尚可憐
漠漠行人何處沒青山依舊夕陽邊

陳陶宅

生涯漂泊意何如數畝荒園手自鉏
松下白雲隨獨往門前芳草伴閒居
故人開閣勞相問塵世浮名久已疎
明日攜書還遠去此生隨處樂樵漁

蘇公圃

水南晚眺

山風蕭蕭羣木落寒日黯黯孤雲低
江雲欲雨復不雨野鳥將棲還未棲
歸人入夜望煙火行子傷秋聞鼓鼙
水南山川遶城市正好買地躬耕犁

上鐘寺

上方風景最清幽暫駐雙旌試一遊
絕壁有巖皆起閣歸僧無路只乘舟
天連廬嶽擎孤柱江納鄱湖漾九流
翹首不堪

北望思鄉又感廟堂憂

虔州懷古

夏 寅

宋家後葉如東晉南渡虔州更可哀
母后撤簾行在所相臣開府濟時才
虎頭城向江心起龍脈泉從地下來
人代興亡今又古春風回首鬱孤臺

題柏堂

并序

吳與弼

郡庠生周圻生三歲而父沒母黃氏年二十六以節自誓
嘗手植二柏於夫墓今木已拱而黃年六十矣族子民熙
縣丞嚮為求柏堂詩以表其操自予之復歸種湖也與圻
好尤密且桑梓相望嘉吾鄉之有善事故樂道而為詩
靈根親傍隴頭安翠蓋凌空已鬱盤歲月豈勝和淚數風霜

幾句斷腸看苦心循是天真易峻節當茲未俗難珍重賢郎

能不匱高堂特筆障狂瀾

百丈峰

陳憲章

淦西百丈聳危峰白晝雷霆出洞中一片黑雲橫日下霎時
飛雨過江東村村苗長田疇水處處涼生枕簟風好向夕陽
樓上望晚晴江色映長虹

南谷

胡居仁

紅塵應不到青山新徙琴書入考槃茅舍竹籬閑處樂地爐
松火靜中安數竿瘦竹風初靜滿樹寒梅雪未乾却笑山人
多逸興詩成袖手面層巒

和杜庠公登大觀樓

孫 詒

高臨南浦千家屋雄接西江第一樓我約山僧開酒戒誰邀
地主作遨頭百年日月雙飛鳥兩字功名幾點波便欲學丹

下彭蠡不將風浪祝陽侯

題雙江樓太守康德清所扁

董天錫

雙江形勝玉虹流萬戶風煙繞郡樓自信雲霄無窘步極知
廊廟有先憂公餘不廢登臨興宦況元非漫浪遊彫敝全甦
今樂土循良深藉古諸侯

遊桑林寺

王 烈

江頭魚網雜魚竿江畔幽人度竹闌香積飯餘飛鳥散瑤壇
經罷老僧閑懶雲不雨歸方丈小樹無枝著假山三笑桑林
真落魄暮潮猶帶夕陽還

西隱寺

金輪峰畔舊招提曲徑幽通古木齊萬壑煙雲山遠近半空
樓殿月高低篠塔斲地開花塢石澗分泉出稻畦鐘杵晝閑

禪意定竹風簷鳥盡情啼

青山庵

鎖翠橋橫碧澗流青山庵古白雲幽老松迸石矮遮屋修竹
接天高出樓鹿抱麝香眠砌草鳥低翠羽泊簾鈎狂夫野趣
真閑散半白浮生漫浪遊

滕王閣

李東陽

滕王高閣罷崔嵬誰築西江第一臺雲雨不收歌舞地文章
空歎古今才豐城夜氣聞龍起彭蠡秋風送雁來幾欲乘槎
問牛斗不知平地有三台

鷺湖道中

蔡經

鷺湖山下春可憐野梅含雨柳生烟遊絲細細駐林杪浴鷺
悠悠飛水田物候催人如過客朔雲回首忽經年征衣尚拂

紅塵路悵望鄉關落照邊

昔人葛陽晚眺

萬家煙火積雨後兩岸樓臺夕照中雲盡靈山負北郭橋浮
江水卧長虹病眸恍惚如觀畫行計分明類轉蓬忽憶瘡痍
數年事潛然無語立東風

奉陪二泉先生遊斗巖寺復用韻留別

林藏野寺破垣圍古路雲深僧夜歸水齧山根初駭目徑回
石角巧鈎衣何人題句留蒼壁有客攀蘿上翠微一自清風
披拂後至今花木有芳菲

中秋登御家樓

落木蕭疎山半青城墟西下楚雲冥天空江閣留孤月夜靜
河燈散萬星影度高帆橫斷岸聲傳新雁下寒汀登高自愧

吹華髮白帽離披似管寧
張相新祠何處尋梅花嶺上最高岑雲封一室藏金鑑泉滴
層階奏玉琴後世競傳開路蹟當年未盡補天心李貓聳耳
青驪遠獨立西風慨古今
林蕪宿東芙蓉山道流黃正隆房
翠壘芙蓉如畫出虛堂我愛坐細縕湘簾寒透千峰月石枕
清分一榻雲玉洞蛟蟠秋已盡松巢鶴語夜初分江聲滿耳
難成夢不覺人間日又昕
昔人已去青山古此地仍留舊館名白石坐來松露冷紫簫
鳴處竹風輕席前曾與桐君約枕上惟聞雲樹聲無限幽光

圖畫裏祇憑香几對秋晴

遊龜峯和故都憲韓公韻

禪林奇絕隔溪濱怪石稜層繞洞門雕琢頗憐真宰苦往來
疑有異人存仙將蛻骨留塵世犬得餘丹守近村初到便應
忘甲子却疑鐘鼓報晨昏

遊鷺湖

一從無極分明後荒徑鋤茅見講堂自古乾坤惟此理至今
山水有餘光庭空蔓草憑誰薙澗滿香蘋欲自將冠蓋追尋
恨遲暮却愁猿鶴笑人忙

徐孺子墓

楊廉

荒牆幾里去城闔宿草離離秋復春試數東都多節士不汙
鈎黨獨斯人廢興可便能忘國明哲從來是保身莫笑黃堂

勞一榻青編千古話徐陳

開先寺讀書臺

僧房五百住廬峰鑿谷開巖重復重挾策昔人依薜荔登臺
此日宿芙蓉西來慣說庭前樹洛學能參寺裏鐘最愛山中
杉檜古月明窗外化虬龍

九江崇烈李公祠和劉咸栗韻

此日存亡視此城勢孤誰肯為增兵須知豹略無雙士曾占
龍頭第一名畫策每遭人見沮誓天不與賊俱生從來未樣
江舟棹史上悠悠空復情

遊麻姑山

李夢陽

冒險探奇還觸霧麻姑山水冠南州潭深自激風雷黑谷迴
誰羣鹿豕遊仙女石壇荒欲沒魯公碑碣斷仍留往來蹤跡
俱塵土兩瀑垂垂萬古流

龜峰

弋溪縣南山下寺三十二峯羅列奇最愛紫氛生石鼎絕憐
青嶂削靈芝峭崖哀壑還人世古往今來自鬢絲已遣野場
維玉騎合留崖月照金卮

快閣登眺

江山冥冥風浪生閣中清眺會儒英野舟冒險只自度汀鳥
避人時一鳴四海登臨吾白髮萬山迴合此孤城劇談轉切
憂時念日暮浮雲況北征

南康曉行

劉鴻

星河影裏別南康竹色松聲引興長塵滓盡隨雲幕捲好風
清薦竹兜涼青袍白馬君能送野飯山肴客共嘗極目雲山

心更苦悠悠何處是吾鄉

遊青原山

羅欽順

朝訪名山露未晞翠嵐浮動欲侵衣坡頭路轉松陰合隴上人閒豈羨肥泉響遙聞心已淨寺門初到夢先飛從來賸有煙霞癖爭奈行藏與願違

遊廬山開先寺

王守仁

清晨入谷到斜曛徧歷青霞躡紫雲閭闔遠從雙劍闢銀河真自九天分驅馳此日原非暇夢想當年亦自勤斷擬罷官來駐此不教林鶴更移文

登香爐峰次蘿石韻

曾從爐頂躡天風下數天南百二峰勝事縱爲多病阻幽懷還與故人同旌旗影動星辰北鼓角聲迴滄海東世故茫茫

渾未定且乘溪月放歸篷

南浦道中

南浦重來夢裏行當年鋒鏑尚心驚旌旗不動山河影鼓角猶傳草木聲已喜閭閻多復業獨憐饑饉未寬征迂疎何有甘棠惠慚愧香燈父老迎

過峰山城

猶記當年築此城廣猺湖寇尚縱橫民今樂業皆安堵我亦經過一駐旌香火沿門慚老穉壺漿遠道及從行峰山弩手疲勞甚且放歸農莫送迎

夜泊石亭寺

廿年不到石亭寺惟有西山似舊青白拂挂牆僧已去紅闌照水客重經沙村遠樹凝春望江雨孤篷入夜聽何處故人

還笑語東風啼鳥夢初醒

遊羅田巖懷濂溪先生遺詠

路轉羅田一徑微吟鞭敲到白雲扉山花笑午留人醉野鳥啼春傍客飛混沌鑿來塵劫老姓名空在舊遊非洞前惟有元公草襲我餘香滿袖歸

書九江行臺壁

九華真實是奇觀更有廬山亦耐看幽勝未窮三日興風塵已覺再來難眼餘五老晴光碧衣染天池積翠寒却怪寺僧能好事直來城市索詩刊

豐城阻風

前歲遇難于此
得北風幸免

北風休嘆北船窮此地曾經拜北風勾踐敢忘嘗膽地齊威長憶射鈎功橋邊黃石機先授海上陶朱意頗同况是倚門

衰白甚歲寒茅屋萬山中

萍鄉道中謁濂溪祠

木偶相沿恐未真清輝亦復凜衣巾簿書曾屑乘田吏俎豆猶存畏壘民碧水蒼山俱過化光風霽月自傳神千年私淑心喪後下拜春祠薦渚蘋

宿萍鄉武雲觀

曉行山徑樹高低雨後春泥沒馬蹄翠色絕雲開遠嶂寒聲隔竹隱晴溪已聞南去艱舟楫漫憶東歸阻杖藜夜宿仙家見明月清光還似鑑湖西

桶岡和邢太守韻二首

處處山田盡入畬可憐黎庶半無家興師正為民瘼甚陟險寧辭鳥道斜勝勢真如瓴水建先聲不礙嶺雲遮窮巢容有

遭驅脅尚恐兵鋒或濫加
戰亂興師既有名揮戈真已見風行豈云薄劣能驅策實仗
皇威自震驚爛額尚慚爲上客徒薪尤覺費經營主恩未報
身多病旋凱須還隴上畊

重遊化城寺二首

愛山日日望山晴忽到山中眼自明鳥道漸非前度險龍潭
更比舊時清會心人遠空遺洞識面僧來不記名莫謂中丞
喜忘世前途風浪苦難行
山寺重來十九秋舊僧零落老比丘蒼松盡長青冥幹瀑水
猶懸翠壁流人住層崖嫌洞淺鳥鳴春磻覺山幽年來別有
閒尋意不似當年孟浪遊

遊通天巖次鄒謙之韻

天風吹我上丹梯始信青霄亦可躋俯視塵寰成獨慨却憐
人世尚多迷東南真境埋名久閩楚諸峰入望低莫道仙家
全脫俗三更日出亦聞雞

茶寮紀事

萬壑風泉秋正哀四山雲霧晚初開不因王事兼程入安得
閒行向北來登陟未妨安石興縱擒徒羨孔明才乞身已擬
全師日歸埽溪邊舊釣臺

回軍九連山道中短述

百里妖氛一戰清萬峰雷雨洗回兵未能干羽苗頑格深愧
壺漿父老迎莫倚謀攻爲上策還須內治是先聲功微不願
封侯賞但乞蠲輸絕橫征

回軍龍南小憩玉石巖雙洞絕奇徘徊不忍去因寓以

陽明別洞之號兼留此作三首

甲馬新從鳥道回覽奇還更陟崔嵬寇平漸喜流移復春暖
兼欣農務開兩竇高明行日月九關深黑閉風雷投簪最好
支茅地戀土猶懷舊釣臺

洞府人寰此最佳當年空自費青鞵麾幢旖旎懸仙仗臺殿
高低接緯階天巧固應非斧鑿化工無乃太安排欲將點瑟
攜童冠就攬春雲結小齋

陽明山人舊有居此地陽明景不如但在乾坤俱逆旅曾留
信宿即吾廬行窩已許人先號別洞何妨我借書他日巾車
還舊隱應懷茲土復鄉閭

鄱陽戰捷

甲馬秋驚鼓角風旌旗曉拂陣雲紅勤王敢在汾淮後戀關

江漢及羣醜漫勞同吠犬九重端合是飛龍涓埃未遂
滄海病懶先須伴赤松

書草萍驛

九月獻俘北上駐草萍時已暮忽傳王師已及徐淮遂乘
夜速發次壁間韻紀之二首

一戰功成未足奇親征消息尚堪危邊烽西北方傳警民力
東南已盡疲萬里秋風嘶甲馬千山斜日度旌旗小臣何爾
驅馳急欲請回鑾罷六師

千里風塵一劔當萬山秋色送歸航堂垂雙白虛頻疏門已
三過有底忙羽檄西來秋黯黯關河北望夜蒼蒼自嗟力盡
螳螂臂此日回天在廟堂

自信豐往龍南過竹高嶺作

黃仲昭

嶺上有二小石峰如兜鍪狀土人名曰鐵盔峰有一大石
峰有文如鐵甲狀土人名曰鐵甲峰龍南多寇皆本於此
登登已度幾峻嶒鳥道縈迴尚未平憲節雙穿雲靄去輶車
多傍白雲行山如盈甲偶然事民習干戈遂得名司牧倘能
興道化貪泉寧免隱之清

自瑞金往石城過鷺公嶂作

峻嶒高嶂切雲霞倦客經行興轉賒深徑黃茅數十里荒邨
綠樹兩三家羊腸佶屈循崖轉馬足凌兢怯石斜世路嶮巖
寧獨此市朝平坦更堪嗟

狄梁公祠

費案

當年籌策費紆縈萬古乾坤只此情北斗以南聲價重此身
之後事功成漁樵歸路林光暝秋雨晴時月色清試問祠堂
何處是青山十里暮鐘聲

謁鷺湖書院四賢祠

晦庵二陸
呂東萊也

諸老高風迴莫攀巒光蒼翠水潺湲乾坤一會存吾道祠宇
千年重此山碧草春深猶自好紅鷺雲遠不知還掘衣莫問
當時事落落殘碑半蘚斑

奉次空同過象山書院韻

夏言

千尋峭壁俯清溪野竹含風弄晚淒祠下幾年無過客崖前
此日重留題未逾滄海難忘楫欲步丹霄信有梯悵望講堂
荒草合日斜惟聽鳥聲啼

經陸象山先生墓

十里松楸翳薜蘿百年芳冢正嗟峨山川幾處還增重草木
茲鄉亦自多道在死生真孟浪教殘風俗竟如何辦香尚擬

歸途拜仰止高風下馬過

象麓草堂初成和杜六首東方石山尚書郎

三峰山下理衡茅翠竹黃花滿近郊屋上風泉飛木杪窗前
烟月挂藤梢會看燕子新營壘自許鷓鴣結小巢歲晏滄江
堪臥穩移文未許北山嘲

懸郭東南溪水頭石門林壑抱深幽中年卜居總為此獨坐
憑軒聊散愁庭階日午鳥雀下巖谷雨餘雲氣浮葛巾藜杖
且疎放時向滄浪弄小舟

少谷親題象麓堂百年談笑落滄浪鄭婆塘西楊柳暗王表
洞前盧橘香釣艇日依潭水靜酒尊時送竹陰涼旁人莫訝
為官在吏隱吾兼杜老狂

水碧紗明洲渚迴雲深竹靜草堂開北風山木蕭蕭下落
江帆片片來有客相過時載酒主人無事日登臺愁看直北
關山迴白草黃雲秋正哀

繞院松杉雲氣流小堂高枕碧江幽秋山杳杳啼元狖晚水
冥冥飛白鷗伏枕經年須藥裹閉門長日對簾鉤得閒且覓
邱園樂汨汨風塵何所求

三峰卜築草堂新忽見梅花送早春昔折曾悲遠遊客相看
今是故鄉人山前松菊應憐我野外漁樵更卜鄰但願昇平
歌帝德不妨疎散樂吾真

遊仙巖二首

玉洞靈巖天下稀丹霞赤霧望中微古藤裊裊猿猱接遠水
悠悠鷗鷺飛十里風煙迷客棹半崖花竹隱僧扉此中似有
尋真路塵土何年遂拂衣

靈巖聖跡古來傳到此應知別有天背日漸開雲外錦含風
不動水中蓮清江百丈渴欲飲立壁千尋詩可鐫翠竹白沙
江路晚蒼茫回首隔風煙

滕王閣新成次巡按陳公韻

郡城西北見高樓迴接風烟萬里秋帝子不來歌舞歇長江
空繫古今愁帆開遠浦鳧鷖亂客散東風煙霧收喜見中丞
停節鉞不因登覽得咨諏

懷東峯
汪中丞

通天巖

鄒守益

高築琳宮引石梯酒餘客散自攀躋坐來漸恐星河冷話久
不知煙霧迷白澗灘橫舟隱見翠微巖湧案高低浩歌初飽
清秋興何處東洲野店雞

覽勝樓用韻為涂柱史題

聶豹

南浦城頭百尺樓九江橫潰豁中流江山得句魚龍奮枕筵
涵虛天地浮勝景坐看千里合扁舟何用五湖遊漁人估客
歌回首白鷺青鳧浴滿洲

十二日風雨次宣風館和王伯安韻伯安有天際浮雲
生白髮林間孤月坐黃昏之句為一篇警策

歐陽鐸

馬蹄山路失新痕山木橫流一段渾兩邑封疆中作館幾家
雞犬自成村枕邊聽水塵懷淨山頂看雲雨氣昏愧是宣風
天萬里幾人此地謾銷魂

登佛手巖屋角嶺諸山

王慎中

緣崖百轉幾經休迴複千峰晚氣浮路絕見僧行樹杪猿鳴
呼客入林幽平看珠斗懸燈影俯瞰明河激澗流頗似謝公

高簡性領州不自廢山遊

冬日雪中登鬱孤臺

謝榛

孤臺突兀樹摧殘此日登臨自鶚冠
哀角暮從風外斷荒山
愁動雪中看關河渺渺行人遠
吳楚蒼蒼落木寒醉倚南樓
望江北片帆何處是長安

謁孺子祠

羅洪先

千年見說南州士今日初登孺子臺
返照湖邊孤鷺遠青芻
門外幾人來能勞下榻俱知己
得赴公車號異才景物不殊
時已別春風庭院長莓苔

考正劉忠愍公諱日

公為王振所害事祕不傳先行人如壻記公以六月二十一日卒于

獄二十三日其家始得計於是連三日為諱日蓋疑之也

身亡底事論遲速疑信元闕筆削權華袞有褒須繫日貂璫

何力敢移天魯公生氣誰云死石顯陰謀自合傳多少白頭

還牖下姓名能得幾人憐

練中丞故墅

三洲煙草暮江濱未問遺墟淚下頻
破冢有山歸別主遠孫
無食寄貧鄰百年天地誰非幻萬古君臣獨在身
莫道高名能引禍風塵多少不歸人

新淦賊退志喜

孤城初試六鈞弓一箭還收百戰功
落葉風前秋氣爽倚樓
江上暮愁空騎催露布傳宵遁帆下風檣識歲豐
却念宵衣書帛遠上林早晚待飛鴻

繩金塔寺

吳國倫

古塔峻嶒萬象蟠西山如鷲捧危欄
扶筇漸與彌天近引笈

江西通志 卷一百一十五
新知覺路寬雙樹影迴平野暮百鈴聲徹大江寒毫光夜夜
凌無極併作南州斗氣看

前題

余曰德

誰辨龍沙萬劫灰相輪高倚白雲迴廬峯似對孤飛鷺章水
看疑一渡杯深夜珠光浮舍利半空金色見如來西方有客
曾為語無數蓮花井上開

題永和歐陽監丞公祠

曾同亨

監丞祠廟接江城古木寒雲入望平一死疆場酬素志千秋
俎豆有餘榮臨焚罵賊言何壯弔古懷人淚欲傾闕典未增
忠節祀揮毫題罷倍含情

次登雪浪閣韻

閣上寒雲冉冉霏江頭木葉傍人飛高秋倚檻聞砧杵落月
停舟坐釣磯登賞有懷工作賦追陪無計慰摠衣清風明月
成孤賞負却山中蕨筍肥

上清宮

羅治

萬壑千峰擁上清丹邱自記昔時名居然宮闕同三島若有
仙人住五城天上時時聞駕鶴雲中往往見吹笙乞靈漫有
塵埃念錫與真符是辟兵

謁張漢輔真人祠

截葉峰巒草樹青尋仙深入晝冥冥風雲高闕通羣帝雷雨
空壇集萬靈天際青牛虛望氣松間白鶴自聽經長生欲問
無消息只見山空長木苓

遊廬山奉和樾橋錢公

二首

李萬實

山寺停秋一院深松篁百尺晝陰陰隔林聞鳥關幽事下馬

逢僧愜素心背日香爐浮瑞靄倚天雙劍豁塵襟遠公佳俗
俱塵土徒倚禪堂嘆陸沈

我尋白鹿匡山前呦呦何處鳴秋天虛亭揮灑見大意古廟
瞻依懷昔賢未有青衿趨几杖只看黃葉啄烏鳶寂寥鐘磬
懸東序徒倚西風倍颯然

眺香爐峰絕頂

紫煙飛上香爐頂蹴踏東南第一峰人向雲端扶杖屨山從
天畔削芙蓉仰攀怪石愁飛鳥俯瞰幽宮起臥龍玉宇瓊樓
應咫尺塵寰霧境隔千重

麻姑山

麻姑之山高嶢嶢瑤壇瓊宇摩青霄峰頭冉冉駐鶴馭花外
時時聞鳳簫石函素檢霧長護井浴金丹氣未消羽翰信能

遺世網鹿門端合赴佳招

登龍虎山望水簾洞

翠壁何年留霧檢青春邀我禮星壇烏啼猿嘯空山淨古木
蒼藤白晝寒陟巘自攜斑竹杖臨池誰浴紫金丹塵襟滌盡
眞忘返灑灑飛簾最耐看

吳烈女詩

有序

嘉靖辛酉秋八月閩寇數千陷石油破荷石砦吳生宙女
友悌年十五死焉先是吳族避砦上賊晝夜環攻十餘日
羣力困甚遂見襲女知砦且陷乃攜弱弟遍告伯叔父母
以爲託旣而泣與母訣諸母咸慰止之女垂涕對曰我少
女留祇辱先人耳言未絕遂踊身投崖而死時某月某日
也越半月賊退父收其屍顏面尚未敗止額顱皮敗方寸

許人咸嗟異李子聞之曰嗟嗟烈哉吳女至性蓋夙成云
觀舍悽訣母割愛如遺對諸母一語凜不可犯豈姆訓使
然哉世有號偉丈夫者臨難周章幸少須臾無死自謂巧
全即不死視烈女羞死矣乃投淚爲之詩

柴門不守此身危腸斷慈親訣別時莫訝舍生輕似葉只緣
嗜死美如飴珠沈玉毀形難化石轉崖枯志不移擬續曹碑
垂野史觀風何日許陳詩

貞烈祠二章

有序

尹臺

邑譚婦趙氏事赫赫耀人耳目垂三百年當其時海內遭
極變筭禕之流能以烈節著奇蹟者獨婦與嵯縣王婦二
人耳抑是時余邑起義勤王以應文信國而罹奪滅者蓋
八族故烈婦一門駢死靡子遺而郡邑掌故卒亡所著載

哀哉茲祠肇建於國初令長四明烏侯斯道弘治間中丞
錢塘張公本守吾吉時特以聞朝詔賜今祠額春秋致祭
咸有司莅事其烈益光顯頃廟學既遷余諗於前邑長東
吳馮侯符言烈婦實有功先聖師之教矧血影在故禮殿
前楹中不可厭媠失敬盍移祠據廟戟門故址令磚影當
其後覆以一亭庶永久無斃壞馮侯是之顧祠位雖正然
其宇規式不甚稱今仁和陳侯至禁他役之擾民者獨加
意茲祠命工亟改治之於戲崇風化以振末俗侯其識政
理之先要哉余訪祠舊刻詩文多無存僅獲殘錄一帙致
侯爰述昔今所嘆感者成近律二章附請正云

鴻移誰不污風塵一婦臨危獨殞身生誓丹心寧負義死憑
碧血與傳神八磚祠廟高天近千仞宮牆曠日新今古烈名

疇擬竝禾山嵒嶺對嶙峋
痛哭中原二百州東南降幟忍包羞勤王八族兵先殪死賊
一門婦可留伏臘貞魂依禮殿江山遺恨漫貔貅天常未向
中閨絕正氣吾邦昔所流

詠蓮山

劉賢

崛起遙撐紫翠峰青蓮朵朵映晴空俯看鳥向樹頭落時有
雲從山半封八月濤生聞梵唄五更鯨吼聽華鐘欲憑一勺
龍湫水洗淨年來塵土蹤

遊金石山

徐良傅

數月匡廬興未慳偶逢佳處又躋攀路穿煙霧叢中去人到
蓬壺頂上還石勢南開羊角洞溪聲北走虎頭關江山清淑
元無恙自昔高賢指顧間

開先寺呈王鯉大府

魏良弼

尋幽山寺出塵囂野徑招提跨石橋翠壁鐫磨猶古路蒼苔
基址識前朝龍依二瀑歸青峽鶴唳雙峰入紫霄安得乘風
臨絕頂便應飛錫去人遙

南浦舟中述景

魏良器

南浦東風吹客槎山南茅屋傍雲霞漁翁寒釣半江水隔岸
春開二月花日夕野樵歸暝壑鐘聲古寺起鳴鴉乾坤生意
憑誰領南塢青青草自芽

登蕭仙壇

魏良政

蕭仙樓閣壓層崖此日登臨亦壯哉霄漢四垂天闕近江山
一覽畫圖開秦樓簫斷鸞聲遠石室雲生雨勢來俯視南州
煙霧重此身今日到蓬萊

慕山

符鍾

住山人去白雲歸留得青山起後思草樹望迷行處跡石苔
磨洗舊題詩護松恐誤歸來鶴愛菊猶編去後籬更有清風
思未了年年春雨長苔枝

郡西能仁寺唐吉州司戶杜審言詩社也隆慶丁卯能
仁再舉惜陰會子偕鳳間子九日入山中迎周羅山劉
見川二先生主席郡邑縉紳仕而歸者暨國學兩庠之
彥先後來會安成兩峯先師劉師泉先生時一枉教焉
久之先輩彫謝聚首者益落萬曆庚辰秋九月議置會
田舍饌茲會復振鳳間子賦詩志喜予感而和之

陳嘉謨

舊遊早已悲遲暮重到那堪憶歲年聚散幾陪蓮社侶招邀
仍是菊花天獨憐華髮承先進忍向多岐待後鞭此日情知
難再得一談忘食一潸然
當年蓮社開詩社想見唐時亦盛時異代風流今論學幾人
歸詠更裁詩朋來正喜簪纓盍身退原非道可師龍井石幢
禪榻畔高談仁義是吾師

初秋西臺寺

十年手種當窗樹半掩寺前臨水山自喜秋來無落葉誰能
老去有愁顏帆檣遠影疎枝外枕簟新涼細雨間筋力情知
難久健得閒且向石林間

青原偶感

少年曾此問迷津荏苒韶光及此晨入藥不教頑石變春風
難遣鬢毛新還憑麋鹿山中性來結煙霞物外身邱壑盟心

吾敢負翠屏千古自嶙峋

遊玉笥

劉應秋

石磴飛泉曲徑通飄飄白帝接仙宮
山深洞府連雲碧水出丹池
遶澗紅風靜霓裳繁吹下月明
煙樹滿樓中自是真人靈隱處
當年徵夢百花叢

龍虎山

疊嶂重巒鎖碧煙玉宮虛閣拄青天
上方甲第神仙宅家世傳書道德篇
松檜鱗殘時怒鬣鯨鯢石坼有飛泉
赤松黃石何從問白雪清谿且放船

奉懷羅先生從姑

湯顯祖

杖底山河數點煙真人氣候鬱羅天
蓬壺別貯生春酒京洛傳看小字箋
鶴唳月明珠樹裏漁歌風色杏壇前
也知姑射能冰雪誰道汾陽一窈然

送朱養淳太史典試江右

吳道南

紫陌新輶夾道看詞臣分命出金鑾
片帆左蠡乘新漲一榻秋屏對早寒
南國文裁運斤手西江脈重采詩官
何當更問閭閻苦歸與君王策治安

遊龍沙寺

步入龍沙倍有神欲登彼岸問前津
法華鐘響非關耳祇樹花開別是春
杯渡影疑江上棹錫飛風淨色中塵
上人話我真如諦了悟西來亦此身

忠禮書院

戴九元

世宗爲故學士夏文愍公建堂賜名瑤恩樓曰寶澤碑勒宸翰數十中有定郊社儀及答文愍農桑疏詔伏讀有感

江西通志 卷一百五十五
丞相祠堂古信州衣冠遺像肅清修九重雨露璫恩第千載
江山寶澤樓郊廟大謨同日麗農桑溫諭自天酬可憐魚水
君臣際中道風波不自由

滕閣懷古 二首

樊良樞

江上烟波釣叟知閒中日月鑑湖私龍飛真主曾登閣虎拜
文臣盡賦詩劒出石門蛟遁遠笙吹緱嶺鶴歸遲莫嗟今古
升沈事多少青雲負紫芝
層樓睥睨漢家墉百二關河帶礪封鹿放西山回萬乘劒留
南斗避雙龍沈烟極浦通朝磬濺水空潭激夜春最是秋江
漁笛穩數聲遙和翠微鐘

暮春登滕王閣

江上春歸思渺然危欄百尺瞰寒烟美人南國銷芳草帝子

東風怨杜鵑半嶺孤雲銜落照一颿遠水淨浮天月明十二
樓頭曲夜夜吹簫到客船

遊岑山洞

胡大成

重巖杳靄白雲端禪室還從雲外安石竇懸泉晴亦雨松門
翳日夏生寒焚香境逼諸天近聽梵心依初地寬乍有晚雷
喧萬籟空花正隔世塵看

上藍寺秋興

給園聊作采真遊信美非鄉倦倚樓落日殘霞依鷺起暮天
片月帶江流雲凝竹樹千山暝雨過池臺萬戶秋無限歸懷
逐來鴈東籬菊酒可能酬

過逍遙僖禪師寺僖爲唐肅宗第九子修道逍遙山中

鄒維璉

萬峰一澗鳥鳴幽帝子道場此地留唐代寢園無百世禪家
塢宇獨千秋山名羅漢人偏應水比恒河沙不流莫說釋迦
衣鉢遠雪山當日在南州

江天閣

張位

片帆煙雨暮湖間山在江心樓在山波影垂寒新石塢鐘聲
破寂舊松關好風當面雲明滅流水何情客往還樹外夕陽
城市近喧闐車馬抗塵顏

閣在章江下與滕閣相望

夜宿南康歸宗寺

羅大紘

半結跏趺看逝波帝猿何處晚鐘和松間風入鳴黃鸝洞口
春深長綠蘿習定非因城市遠關心偏向別離多明朝欲向
潯陽去回首滄江發棹歌

登華蓋峰

董裕

萬丈丹梯傍斗墟從來仙子好樓居登臺似對浮邱奔入洞
猶懸晉代書虎嘯林風生壑暝鶴歸海月映窗虛更依南斗
瞻宸極縹緲紅雲護禁廬

平石

董緒

寶華仙麓開枰局千丈齊雲自坦夸金僕不來從虎伏虞羅
無及有鴻棲苔痕過雨春還碧玉骨凌霜晚更奇回首半山
幽致在誰言異代不同時

春日登白鷺雲章閣

二首

金光弼

搗孽高薨插紫虛此方千載盛簪裾江東不識文章樹彩女
能留寶軸書百雉風煙青漢外一樽花塢夕陽餘夜深應共
星河宿借得天孫錦作裾

咫尺飛霞檻外分天低鷺水共氤氳層臺隱映金銀闕畫壁

淋漓錦繡文夾岸柳陰迷夕浪空江帆影度春雲白銅鞮後
風流盡寥落千年一使君

秋日費太僕招遊鵞湖

平湖曲曲快登臨况復秋風動客心畫閣浮光盤鳥上蒼山
撲翠落波深清霜未爛茨菰葉暖日猶垂枯柏陰猶有窮交
公輩在龜峰千載此幽尋

與汪靜峰使君遊青原

王德新

翠落秋陰山更幽使君匹馬此同遊鐵橋抱月迎仙仗珠樹
飛花結羽樓巖靜猿啼驚露冷潭深龍臥帶烟浮未妨把酒
狂歌發塵世風流易白頭

與劉瀘瀟陳梅和遊書林洞洞最深杳奇蹤怪形不可

勝紀

幾回攀折入蓬萊碧殿晶光一竇開崖滴瓊漿晴亦雨風敲
石鼓晝常雷泉聲暗與黃龍渡樹色遙騰白鶴來金篋秘書
雲欲護狂歌天外有仙才

康山

黃 鎡

湖上新春入舊年晴光蕩漾舳舻前雲天漸覺孤篷遠風浪
無嫌夾渚偏真主運承周鼎後假王功著祖鞭先千秋廟食
雞山頂過客徘徊一繫船

湯祠部義仍先生招集玉茗堂賦謝

謝三秀

草堂遙夜帶春星謾謾松風韻可聽題柱聲名高畫省著書
歲月老元亭寒宵對雨尊仍綠末路逢人眼倍青懷抱為公
傾欲盡肯言裘馬向飄零

舟次金川

王素節

白蘋飛雪點江頭
帆引西風去不收
侵晚始離南浦驛
將晡俄轉大洋洲
望迷紅日天尤遠
歸近邱園髮已秋
南去北來頻萬里
此身曾似子長遊

登麻姑

袁懋謙

疊嶂層崖隱夕曛
登臨屐齒破苔紋
中天練淨懸雙瀑
下界林昏擁亂雲
絕頂桑田曾見變
半空笙鶴杳難聞
麻姑不返方平去
雞犬依然隔暮氛

入麻源

步入麻源日欲曛
錦屏回合路難分
誰驅怪石橫青澗
直瀉飛泉出白雲
坐久濕衣嵐翠重
歸來曳杖月華紛
仙山多境如堪臥
採藥吾將狎鹿羣

登仙巖

見說仙都縹緲間
到來雞犬隔塵寰
樓疑結蜃空中現
人似騰猿樹杪攀
擬挾飛仙凌絕嶠
誰分玉髓駐顏顏
天邊偶作乘槎使
真向銀河泛斗還

春日招王孔丞徐國子艾千子登雄嵐峰

魏光國

曾聞絕頂駐真仙
捫石攀蘿屢困眠
已怪層峰爭蔽日
翻驚遠水欲浮天
春花似錦何須織
好鳥如琴不用絃
共爾盤桓誇勝跡
祇應此處學長年

繭雲橋

李應昇

崩崖如削走鳴湫
山骨撐來鳥道浮
金井舊傳三峽曉
玉淵今帶五峰秋
雲根倒影懸青壁
霞幙空飛接素流
閒自倚闌孤鶴遠
相看直作廣寒遊

步自牛灣歸鹿江二首

楊廷麟

清溪一曲許藏舟何事浮湘傲九州
布穀聲中村鼓急杜鵑開後旅心愁
安能自負盧敖杖猶有人歸燕子樓
澤畔長吟非楚客不妨隨意泛沙鷗
桑陰十畝路茫茫漫笑嵇生醒更狂
倦犢晝眠春水夢野花時過午風涼
看雲心緒愁難盡散髮行歌意已傷
江漢況今多虎豹又聞烽火近潯陽

香城雪坐

十年江上半漁臣為爾流連暫卜鄰
已向洪崖封禹穴空勞洞口問秦人
冰城久信窮魚隱風影何闕竹葉身
煨栗無言緣底事莫將熊虎歎沈淪

零鄒羅田巖讀周元公岳武穆王文成羅文恭諸先生

題字李凌虛易去浮易山甫施教臣及兒輩同遊

劉同升

納涼何處碧雲端樓閣崖懸星斗寒
舟楫遠同鳧鴈影山城長作畫圖看
頻移茵席清娛久時見磨崖舊字殘
多病支離兼避地韻人容易共盤桓
族姪女殉難有序女永新人適周氏湘陰明府孫女也知寇將至著衣十數重以線紉之罵賊不已賊齧之手把重緋密密縫出門罵賊死從容泉臺不怨新婚別廟祀無慚茂宰封作女曾聞天上謫為雲羞向楚山逢傷心鬱死驚奇節何必男兒始亢宗

文杏庵

有序

龍沙之側故有小庵文杏一株為南浦諸樹之長因以文杏名庵

一株文杏綠陰穠倩作庵名問五宗不見春風吹菌閣有時疎雨滴桐峰鄰多古寺蘭沙淨門對西山爽氣重日暮江聲催鼓棹明朝言訪又支筇

杏花村

王仲序

省垣東去路迂斜猶有名村是杏花春水平蕪千萬頃暖風沽酒兩三家勸農何事花迎馬送客歸時柳帶鴉明日青原遙引望江城如抱暮雲遮

麻源第三谷

曾璵

秋興撩人出郭行偶來三谷覺身輕清泉色為丹崖變萬籟聲隨獨鶴鳴錯憶子真家欲問空懷康樂句難賡數杯仙醴

下五龍巖

黃廷鳳

兩年甫暇尋秋寺一路忻從遠岫行古澗龍銜珠錯落禪門虎臥石縱橫僧依蘿屋憑虛住松挾濤聲夾道迎莫嘆塵纓無處濯巖前新水照人清

通天巖二首

唐邦佐

怪石空懸山勢欹洞門低度日光遲乾坤何意故留此今古有人來賦詩道路盡從樵者得壺觴敢後大夫期不因簪弁妨山水我輩風流良在茲

結伴山僧暫避喧每從佳處便停軒只疑蘿薜峭無路豈謂雲根小有門到此頓令忘歲月看來別是一乾坤松聲鳥語關詩思獨對巖頭兩不言

經下韓灘作

曾因蜀道損朱顏到此還逢百丈艱水自東來奔似馬石從中起突如山盤渦定是蛟龍窟隘路真成虎豹關名利不能驅釣叟結廬翻說此中間

鍾 璣

廉泉

姜 璉

涓涓泉脈石中生流出招提分外清涵鏡有光能照物鳴琴無譜自成聲一泓徹底元無滓萬古稱廉豈盜名若使夸齊身未死也須來此濯塵纓

吏隱亭

萬時華

橋水東西孺子鄰當年仕隱各全身龍蛇今古孤亭晚桃李晴陰萬井春大漢冰霜留氣韻重湖煙月照精神因君敢慢今時尉簿領驅馳或有人

孺子祠

舊宅曾聞傍水濱祠堂古岸照嶙峋五陵樹已迷狐兔一榻香猶薦藻蘋意氣何人傾赤社英雄滿地兆黃巾當年龍戰終多事千古冥鴻屬外臣

遊龍源

劉日杲

龍源深處萬峰稠金鑠芙蓉面面秋自是遊人不肯到寧知此地儘多幽一絲細路緣山腹百尺飛泉挂石頭老我好奇欣共賞攜尊數過坐消憂

遊靈芝巖

真人 張宇初

披霧朝尋虎豹蹤倚崖磐石獨嵌空紫芝煙暖靈根長翠壁雲深野路通古木千齡忘換劫落梅幾樹漫飄風澗阿蘚磴猶陳跡隔世清遊豈偶同

登擬峴臺

城上危樓俯大江峴山遺慕入蒼涼萬家烟樹汀洲白百疊
雲岑橘柚黃裴度流風增感慨南豐舊刻妙詞章衰榮塵跡
知何限極目狂歌付大荒

南楚驛

安南使臣

鼓報黃昏客泊船咿咿軋軋聲連一雙鳧鳥滄浪外幾箇
人家楊柳邊紅日落殘鈎挂月白雲捲盡鏡磨天安南萬里
朝天客暫假郵亭一夕眠

國朝

悼黃娥 并序

文德翼

丁酉正月三日九江西門災有黃屠醉娥年僅十二奔烈
燄中呼之醒不得遂共死焉曹娥救父於水茲為烈矣惜

無耶鄆以重之詢之鄰人或毀曰非救父也夜衣不整羞
出耳余曰是尤難宋姬之待保姆也傳尤之曰惜也女而
不婦娥真女矣不整可出邪孝而有禮貞矣因悼之以告
司風教者

中夜修容呼彼蒼魂依生我不離牀霜摧崖柏枝猶嫵電損
春紅葉亦香成佛良因歸廣額讀書種子出幽房如聞絳節
來雲外帝所芙蓉繡作裳

玉山舟行趨饒江

龔鼎孳

徑轉峰迴失遠洲扁舟欹側坐牽愁雲移石壁寒籠日夢穩
漁磯曲枕流山縣市荒稀泛蟻空江笛細不驚鷗遙憐吳苑
風花早海國春歸萬里樓

舟中望廬山

曹溶

霜滿漁磯意渺然
匡廬一望插青天
棲遲陶謝烟嵐裏
界限荆揚巖岫邊
猿鶴百年耽嘯傲
江湖萬里異風煙
蕭條遷客情何極
目斷南來五嶺船

乙未歲晚遊白鹿洞見聖殿聿新有懷蔡魁吾制府

李元鼎

千秋聖緒未全湮
喜見宮牆殿角新
不有此心同此理
誰將斯道覺斯民
蒼松翠竹橋門色
澗草山花古洞春
讀罷豐碑斜照晚
芙蓉天半看嶙峋

灌瓦研詩 并序

余家有古研得之金陵老友薛更生其世藏也研形五瓣若梅花色如金粟藏經紙中邊血斑翡翠隱起似出土銅叩之作金玉聲細膩發墨亦奇珍矣相傳爲灌嬰廟瓦洪

容齋守贛時獲於雩廟左池竅爲研銘以章之語載續筆中辛丑秋日余偶遊雩陽考郡邑志益信志云研重十斤利闕兩角其光沛然色正黃余研光色則同但厚止二寸許重不及十之一二豈後人剖而成器不止余之一研邪嗟乎灌將軍往矣今欲尋其廟之故址無有識其處者獨此一研令人憑弔欷歔而不忍置此吳融所爲賦古研有塵土依人而伍瓊瑤句蘇子瞻銘龍尾而云閱人於古今蓋感慨係之矣因賦小詩貽同志者和焉

梅花研久伴青燈
金質黃流范古研
漢代何人尋灌壘
雩陽有志紀洪銘
方之銅雀歌鐘遠
潤以玉螭戰血熒
珍重傳家供翰墨
毋煩端歛斲山靈

宿蕭季公梅檀林

分取春浮一曲餘胸中邱壑總如如廊陰晚接花前檻閣影
深搖竹外居雨過烟沈迷擢遠月來樹隔得鐘疎西莊曾復
招裴迪我欲相從更結廬

葛仙壇訪見明尊宿

徐世溥

幽居幾歲狎偷安特為孤峰上葛壇一臥煙蘿忘入徑長看
雲石對凭欄崖經野燒松鱗古澗挾餘冰竹影寒最愛相逢
無佛語成蹊共在不言端

獨上新勝王閣

獨自登高睠故都周迴殘錦半模糊新題欲賽蛟龍字舊蹟
疑翻蛟蝶圖蘇圃只今煙蔓草徐亭誰昔雨生芻由來名勝
兼資福得似君王此閣無

自琵琶亭址右數百步為迴龍塔其左有鎖江樓環江

帶山因攜詩舒眺

客路登高愛倚欄不知數轉立雲端闕浮江漢樓臺碧窗列
匡廬八席寒為憶層峰應少雨却忘古樹下成湍閒攜彩筆
評詩史盤鵲飛虹盡俯看

繡經臺

在撫州

李來泰

過江義學重珠林慧業文人自古今貝葉燈傳春草夢蓮花
香散石楠陰雨暘舊谷靈巖靜日月長源碧澗深領取泥洹
公案在還從屐齒證清音

羊角石

聞道元文藏石室神羊一角隱仙蹤清風近拂三三曲紫氣
平臨六六峰路啓五丁雲自祕書傳二酉洞仍封低徊片石
猶堪語欲倩桐鯨叩巨鐘

過修嶺是涪翁故里

丁弘誨

荒城文物太凋零魯直才名照汗青千仞燕崖摩絕壁一泓
修水遶虛亭殘楓早受秋光醉宿鷺多添夜氣腥子姓流移
廬舍改獨存詩派說分寧

古龍沙

王元度

大地誰搏萬斛沙蒸雲吹浪繞龍華銀河倒影痕俱淨劫火
成灰勢愈加謾訝回風清佛土還期望氣長仙葩人間陸海
毋勞問一片澄湖寫落霞

鄱陽湖望五老峰

曾 畹

欲載匡廬出故關水合江湖歸萬里地分
壽白高巖懸崖薜荔斑自愧偏隅

李侍郎灌瓦研

邱維屏

灌將軍廟瓦仍在李侍郎牀研獨存蝕盡土花梅五色浸成
草蘚墨三分為行零水經初縣更說容齋與末孫擬向西山
投老日田家傾注勿翻盆

過鵞湖書院

甘 京

翠微山色點雲根萬木驚霜落葉繁俎豆古今崇聖學瓣香
朝暮愧禪門一時持論多同異千載斯文幾廢存在昔趨庭
嘗竊問至今空谷與誰論

冠石

林時益

城西之石峰嶙峋冠石之冠古製存初以力畊久為客
避亂還成村窗間無數桂花葉屋裏一株桃樹根山口
響清晝遠林歸盡鉏茶人

登彭澤元武崖

魏際瑞

元武崖前瞰白湖大山橫絕小山孤千帆直挂天風水三國
平分江楚吳日下東南聞戰伐望中煙火識樵蘇登臨目極
愁無極飛鳥斜陽半綠蕪

戊子兵圍章門七月三日掠中州劉子峻之妻吳氏妾

朱氏俱被執不從死於水子峻哀之乞余賦詩

胡學浹

名節雙雙弱骨持千秋生氣令人思香魂漲綠東溪水鶻口
流紅暮雨時泉下芳魂攜好伴風前玉樹立佳兒鬚眉愧殺
稱男子生死關頭怕別離

謁岳武穆王祠

劉瀚芳

燕雲唾手數偏奇十二金牌捲義旗半壁中原看馬立三台

上將奏星移矢心惟鏤精忠字報國空題武穆祠只有虔州

章貢水灘頭猶作吼聲悲

王銀土

登虔州望江樓

程可則

鬱孤臺畔暮天空與客登臨起大風馬耳羣山歸睥睨虎頭
全郡攬崆峒窗吞閩楚二千里地跨東南百二雄煙火夕陽
生處處近聞中澤少哀鴻

渡雙牌峽

虔州南上路巒岿忽到雙牌水氣昏帆向夕陽爭古道天留
孤塹峙江門沿洄百折灘聲急明滅千峰樹影繁谷口忽聞
雞犬喚人家疑是武陵源

雙劍峰下黃巖寺

施閏章

黃巖林下弄清暉古寺寒潭石徑微寶墨池臺留佛碣爐峰

煙霧染僧衣，峽開青玉奔。雷急崖暗蒼，龍帶雨歸誰倚枯松。
招五老共看杖底片雲飛。

陶公讀書臺

山寺鴉啼灌木陰，荒臺有客共登臨。雲開對岸青峰遠，江擁
孤城白露深。春草迷離絃誦地，夕陽憑弔古今心。野塘流水
猶無恙，舊刻殘碑何處尋。

重九後九日同諸公入青原留宴山亭

重陽節後菊花開，古塔憑高秋色來。僧自曹溪曾卓錫，客同
彭澤一銜杯。鳴泉激瀨侵衣濕，絕壁流雲拂面回。白鶴歸巢
林影亂，悠然欲臥碧山隈。

贛州謁王文成祠

王貽上

新建當年此誓師，森然松柏見靈祠。軍聲不藉條侯壁，籌策

煩青史，峴首猶存墮淚碑。

登潯陽鎖江樓懷古

丁煒

荒城一半枕蒿萊，楓葉蘆花晚照開。天外山迴三楚合，樓前
潮落九江來。城經郭默全家少，地憶陶公百戰回。莫向暮鐘
談往事，白頭僧在不勝哀。

新淦舟行

城下空江向北流，虔州西上正悠悠。柳邊過雨鷺窺網，花外
夕陽人倚樓。漁笛數聲愁欲劇，蓬窗孤枕夢偏幽。一川煙景
頻來往，每對青山憶舊遊。

題南昌鐵柱觀

朱彝尊

丹甍縹緲麗層城，鐵柱縱橫鍊紫清。陰洞蛟龍晴有氣，虛堂

神鬼晝無聲遊人自愛登高賦仙吏仍兼濟物情雷雨忽愁
天外至江湖元在地中行

塵外亭

鮑夔生

宿露空濛封石磴上方鐘磬出層巖客來煮茗燒黃竹鶴下
尋巢遶碧杉一帶荒城銜落日兩江流水亂歸帆舊遊記得
同君處畫省如今似隔凡

吳城登望湖亭

朱國漢

金鏡回首夕陽邊客裏年光感逝川千里書來湖口縣片帆
人上秣陵船長風捲浪花如雪極浦連天草似烟何處笙璫
江水沸令公祠下響神絃

滕王閣

物換星移又幾經珠簾畫棟半凋零淒清月照雲卿圃斷續
煙橫孺子亭掠水斜看孤鳥白落帆遙帶遠山青風流文藻
今誰是一片漁歌起暮汀

珠磯阻風

片帆東去指蘆樊估客停舟傍水村戍鼓連天喧渚雁浪花
如雪拜江豚蘆中宿火分漁艇枕上濤聲斷旅魂三老歌呼
無一事柁樓明月又黃昏

過贛州是程周量舊遊題詩處和韻

梁佩蘭

萬壑風高木葉哀四山雲起鬱孤臺關分江口東西合帆向
灘頭日夕來纔入戍樓聞畫角憶歸山驛認紅梅故人把筆
題詩處不得登臨不擬回

偕存西古磯滕王閣晚眺

二首

陸世楷

聞道前朝破楚年柏梁開宴集羣賢仙蹤尚憶匡廬月戰跡

空存彭蠡煙粉榭無情銷畫蝶荒臺有恨託啼鴉江頭多少

傷心處不是窮途亦愴然明太祖駕幸南昌命羣臣登閣賦詩

江上看山晚更宜秋屏坐對詠新詩偶乘此夕琴樽興因動

當年簪笏思曾王父任藩伯九載於此五老峰高連紫戟百花洲冷漾旌

旗孤舟千里依荒渚漫說牽帷似舊時

丙申十月廿八日初入顛過惶恐灘和東坡韻

暫辭東帶即閒人柔櫓輕橈狎此身忠信自能忘險道艱危

真可見勞臣舟隨瀨下湍逾鷓石與波平細似鱗莫畏三江

風浪惡滔滔南北總迷津

廬陵過文信國墓

黃冠偶憶少陵詩方外生還豈所期嗚咽墓前流北水寂寥

攏畔向南枝徇身柴市成仁義合葬螺川感孝慈正氣此邦

常不泯九原把臂有新知明末劉狀元同升國亡殉節其墓亦在江邊

滕王閣詠懷四首 陸 業

昔年挂席未登臺此日披襟萬象開歲月豈容人老去山川

如待我重來書生圖畫銷丹粉刺史碑文臥綠苔勝地登臨

非易得坐看雲起更徘徊韓昌黎在表作記盧太學次梗自跋滕王閣圖皆以不得登眺為恨

龍沙曲抱灌嬰城戰勝鄱陽列萬營一劔乍麾妖彗滅三江

雖險檄書平當筵有客揮毫賦盡醉無人擊柱爭此際雍容

權在藻樓臺想像氣爭榮

春深芳草碧舍煙無數滄桑在目前山背日沈清嶂合浪頭

風湧大江懸藥公社日新牲醴名伯甘棠舊井塵文獻可徵

遺澤在白頭父老尚淒然曾王父為江右方伯九年有專祠在章江門內久為成卒所踞至是

復始

步屨行遊水岸齊風光都在蓼洲西窗中遠浦征帆小檻外
空山夕照低懸榻使君猶落落上書仙尉亦栖栖千秋亭圃
埋荒徑畫棟慵看姓氏題

南安道中

章江百折走千峰南粵車書一道供負耒新民終是客海上投誠
者多散處郵落佩刀久戍不為農買魚舊浦知何處看鹿高山第幾
車往事淒然成記憶浮雲天地老孤踪

夜泊石鐘山

萬任

湖濱對立却亭亭別有清音注水經此石端從天外落何人
肯向月中聽春潮雪捲三巴白秋雨烟拖五老青鐘磬舟頭
眠不得起將蘇記問山靈

吉州

城頭高望野雲閒渡口雲歸人未還章貢春濤浮鷺渚廬陵
秋色染螺山舊家柱石殘烽後新市漁樵落照間極目風帆
天際盡斗牛劍氣近鄉關

孺子亭

李振裕

村煙漠漠水泠泠俊顧其如冷眼醒雨過樓臺清夢杳雲連
城郭暮山青重湖盡日流孤枕高士何妨認草亭賸有漁歌
還上下好從物外想儀型

梅尉廟

吏隱仙蹤未寂寥吳門端不為吹簫桐江自喜甥嚴瀨新室
誰從臘漢朝嶺外梅花飛白雪樓頭鴻雁度春宵東湖遺廟
人猶識寂寞疎鐘送晚潮

赧封廢寺瞻赤腳塔

查慎行

自從蛟拔門前樹水氣猶腥一壑泉萬瓦盡墜飛雨去孤鐘
空向廢堂懸三年前寺爲起蛟以千計殿瓦悉爲所擊惟存梁柱泥金塔縫風吹裂映
竹窗櫺日射穿不用琳宮更魏煥御碑原自配羣仙

從萬壽寺經百花園

草煙竹靄午霏霏行盡懸崖接翠微過夏客餐嘗筍去隔林
僧擔賣茶歸穠花繞地晴添艷乳水流田土漸肥自覺向南
風候暖早秋時節尚生衣

淨成精舍懷天然澹歸二禪師

萬枝修竹一龕燈山外青山又幾層有此林巒應著我無多
文物半依僧香前蠹辟繙經案鉢底龍眠挂壁藤紫桂巖前
人不見秋風猶記別南能往與澹公別於家黃門伯如圃

白鹿洞書院紀事 二首

古洞盤旋路欲封到門無樹不喬松陰森前後三重殿突兀

西南五老峰兵火縱教仇典籍蟲魚何敢蝕蛟龍書院中有御賜十

三經二十一史及御書二額睢陽嶽麓全荒棄留得宮牆儼辟難

九原可作心相許千古淵源只數公大事商量何草草當時

位置太匆匆祠荒勿復論分合道在終須辨異同祀典也應

煩早定莫令禮樂笑淹中

將至南安作

陳奕禧

郎吏紛紛夾道遮連朝迎拜使君車銅符再剖來東嶠玉枕
遙尋問白沙春遇麥疇成樂土身安仙郭欲忘家并無琴鶴
人休笑幸有宜城酒可賒

信豐南山寺坏土歸然相傳爲呂汲公墓瞻拜敬題

張尚瑗

垂簾元輔數關中正色閭闔七尺躬已謝黨爭超雒蜀猶懼
竄罰矯熙豐百鍊不礙尊賢意二井長霑潤物功歸葬君恩
青史在故留疑塚重蠶叢

章貢臺

王原

孤城斜倚青山立更上山城最上頭列案羣峰晴歷歷如環
雙水去悠悠雲連野濶收禾黍日落臺荒散馬牛老屋破殘
餘戰壘側身吟望古今愁

佛手巖

李滢

天池積翠恣淹留佛手巖前策杖遊磻戶只疑疎雨滴晴江
真見夕陽流松蟠鳥道多摩頂石瞰僧扉欲點頭白鹿仙臺
更何處暮雲荒草感深愁

東湖懷古

裘君弘

東湖簫鼓憶當年柳色江潭倍黯然兩相樓臺成宿草三橋
歌舞散寒煙湖魚味共松鱸美村杏花同鐵樹傳洲上草堂
原有賦高文誰續李王篇

白鹿篇贈毛心齋

朱軾

我我鹿洞講堂開萬古精靈發越來

聖

主崇儒垂切問清時選牧必良才光風霽月君新領古檜蒼
松地舊栽從此洪鐘時一叩不教庭廡翳莓苔

豫章懷古用王梅溪宿多福寺韻

劉廷璣

往事流傳近若何秋風樓閣夕陽坡要知官裏神仙少

梅福為南

豈料城中處士多

徐孺子亭在東湖高橋陳陶園在東湖南岸蘇雲卿園在東湖百花洲上

接連廬高滴翠水交章貢遠生波幾時塵外容相對老樹青

葱不改柯

豫章本木各

題北蘭寺

寒泉名雪寺名蘭一帶蒼松翠柏間
虛閣風生雲散去孤亭人靜鳥飛還
三春白湧連天水萬古青留隔岸山
門外紛紛誰解此停舟駐馬暫偷閒

潯陽懷古

穆然遐想晉唐間宦海遊人不等閒
五柳先生陶靖節江州司馬白香山
謫來身共寒松老白詩寒松老風標在
歸去心同倦鳥還一樣能詩兼愛酒
高風自昔已難攀

立秋後過南山崖留題

鄒弘志

閒身殊悔又之官只有看山興未闌
放眼喜當秋氣爽攜筇來踏葉聲乾
雲生石壁千巖暝風送松濤一寺寒
僧榻盤桓機事少臨流高枕羨魚竿

宿建昌驛南舖

萬承蒼

斜日猶懸喚渡亭征車暫憩使君廳
湖邊載酒尋明月湖石上題詩憶落星
石欲問樟公非舊質可憐炭婦變真形
人間合覓周居士去傍雲巖採茯苓
樟公炭婦皆建昌舊事周續之故居與雲山相近

復上讀書臺觀黃山谷七佛偈及王文成平濠題志

陸奎勳

百尺書臺勢可憑凌晨還卓一枝藤
即心即佛人留眼擒賊擒王我服膺
詩老源流江右別儒生習氣晚年增
空山幾許如椽筆雨蝕苔荒榻未能

落星墩

涂登

寒芒祇合紫微游至寶龍宮未敢收
獨使中流撐一柱不教天上贅多疣
波光接月銀河皎星氣臨湖玉宇秋
我向佳廬

峯頂望晶盤搖蕩夜珠浮

石洲亭

帥念祖

楓葉蕭疎古道清西風斷岸石洲亭垂楊渡口帆初轉落日
人家山自清短句靜敲秋寂寂素琴坐鼓水泠泠盤桓未覺
歸途喚遙指漁燈出杳冥

百花洲

吳炯

灩灩玻璃好面城飲川虹亘晚波平春風笑入花叢去天氣
愁將柳絮迎轉瞬韶光字跌宕不磨名節自縱橫誰人識得
蘇卿意月印洲前一片明

登滕王閣

春風今又到江隈傑閣層層金碧開青雀乍來迷錦霧珠簾
曉起絕黃埃聲沈彭蠡漁歌遠色隱匡廬夕照堆為信此邦

風俗美美人香草重低徊

百花洲

楊毓健

誰道蓬瀛在海東仙源咫尺小橋通翳塵迴隔清流外砥柱
孤標巨浸中百雉城闔環靜影萬家煙火映晴空雖然邱壑
無多地盡日登臨興不窮

琵琶亭次韻

錢陳羣

尚憶潯陽送老年偶翻一曲教坊傳名心自副青山本綺語
應飯白社蓮樂天自寫詩集藏東林寺賓從同時來置酒星旌斜日此停
船放歌楚些招居士江水無聲月在天

喚渡亭次韻

沙堤驟馬白於銀似向西湖去踏春喚渡亭邊飛一葉雲居
山外問雙津縠紋綠淨誰能唾龍井芽香乍可親我是江州

老司馬整將翠黛着閒身時余乞假將還浙江

山下渡曉發

江流闌入抱雲居水色山容玉不如一幅硬黃留粉本雙堦空翠潑林筵船頭霍霍衝波帛沙口蓁蓁挂網魚下馬濕衣來問渡晨晞范露小涼初

九月十五日彭樂君方伯黃訥菴觀察蔣肇予施棠村

兩副使李仙蟠參政招同馮靜山侍御開靜菴中丞金

檜門學使高魏公總戎讌集百花洲賦謝二首燕以志

別

雅開餞席問蓮塘落日秋陰上女墻檀板能催文字飲金魚多帶菊花香風流勝地誰相繼事業名山可許藏緩步石橋尋仄徑添衣為領晚來涼

陶然隨意坐苔斑為政寧辭半日閑如市臣門無請乞榜後諸

生謁者無虛日依雲仙館有追攀柳枝全解歌人舞楓葉先侵座客

顏明發船頭叉手立時請假由浙多情難別是西山

登滕王閣

曾聞修竹掩空亭興廢千年亦屢經畫棟月明迴北斗珠簾雲淨展西屏無窮烟景成朝暮有數詩篇寄性靈滾滾長江留不住當歌對酒莫教停

夜陪集齋叔祖彭樂君方伯金檜門學使馮靜山侍御

遊北蘭寺

錢載

沙軟江斜竹徑青夜遥相喚入禪扃燭光林影棲鴉起露氣蟲聲落桂馨朱閣從容秋士屐碧霄親切使臣星待懸曉日關干上看盡西山十二屏

文山先生祠

金德瑛 檜門

留取丹心照汗青 明知下藥疾彌增 少年歌舞家居樂 死後風霾烈氣騰 社稷孤舟沉海島 科名千古重廬陵 可憐同氣稱難弟 不及夷齊一傳登

九江使院西有八角石為元總管李忠文公黼墓 余出入必式焉 賦長句吊之

紅巾東下已臨江 壯氣登陴控此邦 市里今存八角石 波心舊列七星椿 天魔秘密猶酣舞 首鼠紛披各竄降 未廢科名收國士 李齊余闕總無雙

謝文節祠三首

聽角寒雲擁麗譙 信州剝土豈名嶢 流離閩海盤中蕨 淒斷崖山笛裏潮 舉國蟲沙齊變滅 一門魂魄各飄搖 江南養士

無廝養粒絕空腸 氣不消

秦庭何處乞師奔 趙氏真無尺地存 痛哭心唯依帝子 薦賢人悞配王孫 南陵風雨誰私祭 北寺朝昏亦餒魂 寄語墨胎山下草 經春莫發舊青痕

憫忠古寺弋陽溪 兩地英靈問所之 餓骨何心重肖像 丹楹一旦煥清祠 孤生厄運離鄉久 異代周親聚首遲 得遇

聖

聖朝容直道 綱常百世與維持

今弋陽修葺祠宇 附祀闔門忠烈

渡潯陽江

史貽謨 百山

京峴分流江路賒 十年蹤跡歎浮家 金焦慣渡中冷水 章貢俄乘上漢槎 到海定知經幾曲 導源直欲溯三巴 南征未覺鄉關近 一髮青山指暮霞

渡潯陽江有序

錢陳羣

自黃梅至江干謂西山曰若今日渡江明日曉經廬
阜下就東林館館後散步虎溪酌知慧泉從西林上
肩輿前去不亦善乎時日將暮風水未順利太守劉
君殿虎明府高君宜堂飭所司具牲醪致祭禮畢登
舟方鼓柁風從東來揚帆截流而渡入江州城則夕
陽猶在山也西山有詩記之即次其韻

自笑行人願更奢到來臨晚喚船家誰知天使雙星節穩似
張騫八月槎老去無端憐骨月夢來定許過湘巴

時舍弟界
官秭歸

中流西望烟波渺幾點風帆一片霞

東林寺次吳眉菴少司馬題壁原韻

古原路轉隔江天九疊屏風對面懸隨意入林呼作社偶然
卓錫便名泉聲聞何處無三笑著相幾曾見白蓮我欲踰雲
登絕頂招同五老話尊前

東林寺和壁間吳眉菴前輩韻

史貽謨

東林遙望接諸天峭壁雲深萬木懸繞寺有山皆積翠到門
無樹不鳴泉六時未改禪堂課十丈全荒鉢院蓮欲向聲聞
尋笑蹟幾回惆悵虎溪前

中秋日雨後協一堂閱文彭樂君方伯李蒼崖前輩各
遺桂一枝贈謝一首呈同事諸公

錢陳羣

雨過江城月半廊兩行銀燭正高張重攜天上吳剛斧領取
人間鷲嶺香要與佳文增氣色肯同衆卉鬥芬芳夜來試院
茶初熟手摘瓊英帶露嘗

予再典豫章試事竣林青圃學使楊卓庵總戎彭樂君

方伯徐階五觀察李蒼崖參政施棠邨蔣肇予兩副使
邀同史酉山編修阿補堂大中丞集百花洲酒半大中
丞指壁間石刻謂予曰此居士三載前集此叙事詩也
今日之會不可以無詩曷依前韵為之遂援筆以賦時
乾隆庚午九月十四日

古亭深穩坐秋塘石作屏風樹作牆人影隔簾多入畫歌聲
到水自生香候蟲嗜好老猶癖春蚓歆斜拙未藏翠幙紅筵
燈匝西風迴舞扇透微涼

繞砌秋英點點斑天教勝地占餘閑

思只許經旬住星節何妨一再攀如掌平湖高士宅當頭明
月故人顏不須更上滕王閣已見江城雨後山

重修滕王閣落成時乾隆十四年九月也

李根雲

三江五嶺控章門門倚高樓勢最尊四照雲沙開錦繡浮空
煙水變朝昏瑤臺再築仙人館濁酒難招帝子魂惟有才人
詞賦在摩挲碑版照乾坤

一年一度慣登樓豈獨馮唐感白頭緱嶺雲歸非故岫

緱嶺在西

山龍沙露冷又新秋高寒管領千門月浩蕩能銷萬古愁重
與江山開面目落霞孤鷺兩悠悠

西吳霸業幾成塵閱盡人間幻與真檻外雲帆空片片花間
蛺蝶尚頻頻驚回菊老三秋鬢惆悵蓬飛萬里身陳迹欲書
誰逸少數行征雁寫青旻

蒼蒼煙靄護雕欄依舊江南第一觀金鳳有書來日下玉符

飛節駐江干

閣為迎送
敕使之所

唐虞民物依稀見吳楚雲山指點

看擬作畫圖配麟閣他年歸臥夢中攤

和李蒼岷參政重修滕王閣落成四律次原韵

蔣嘉年

山青水碧映朱門綺閣重新泛酒尊爛醉誰誇筋力健看花
自覺眼眵昏風帆不斷他鄉客萍梗長牽逆旅魂在座高朋
今昔異余前任督漕時同官係方伯刁公觀長亭身世老乾
坤察凌公離臺閣公俱已今昔各異

江城兩度葺層樓余前任督漕時方伯刁公唐代文章列上

頭今日落成剛九月當年勝會屬三秋黃花不解詩人淚紅

粉何憐帝子愁三仕章門身未老余自雍正甲寅督漕西江
乾隆丙寅再蒞原任於庚

碧天秋水靜無塵忽覩青青面目真唱晚漁歌還泛泛迎陽

雁字又頻頻余近日赴會城題咏成陳迹閣內多昔年新駐愴帷續後

身即以此作公寓讀罷逍遙聊自得曠懷無語寄高旻

徘徊高閣獨憑欄流水行雲次第觀若個承恩來闕下閣內
有亭

詔為所迎幾人移節去江干往來使客樓頭白雪依然在檻外

青山照舊看只有衣冠人物變分明圖畫眼前攤

丙寅夏五月琵琶亭臨江廊檻工竣偕諸友遊覽賦詩

以落之 唐 英

樂天興致敢言同到此清涼心地空隔岬村遮漁浦樹順流

船送藕花風遊人野鷺棲亭澹畫檻晴霞映水紅鐵板銅琶

今日客掀髯齊唱大江東

庚午清明日送客堂看桃花兼留別琵琶亭

曲疊陽關值禁烟淒清去路草芊芊粵東遠更三千里莫北

群空二十年古跡心培縈旅夢好花手植種情緣布帆指日
東風挂水剝山殘一惘然

將之粵海留別江州風景百歲韶華陶榷西江二十載
客天羈旅棲遲湓浦十經年行將去也曷勝黯然江亭
柳眼濛濛春雨洒臨岐嶺表心旌剪剪東風吹遠道未
免有情何以遣此潯水匡山清言共鑒

官齋惜別笑情癡吏隱陶漁四序宜迎社燕巢歌宛在殿春
花事詠將離山愁去路雲深鎖水挽行舟浪疊遲鷺約鷗盟
期再訂忘機閣反繫相思

琵琶亭畔余建
有到此忘機閣

雙旌嫋嫋路漫漫庾嶺江城去住難潯水精神清老興廬山
面目澹塵官牋花頌月春秋慣斗室冰衙心地寬他日舊遊
重此過撥琵琶敲句補餘歡

留別蝸寄斗室

潯關衙齋湫隘余委蛇於方丈斗室中忽忽十有二年身
心微藐隨適自安每當據案謳吟臨窓揮灑坦坦落落得
意忘形幾不知此外天之高地之廣也室乎室乎余於爾
斗筲量合蝸寄署之名稱實矣茲則適將去汝仰屋悽然
昔人云太上不忘情余之低徊留連沾沾於章句者亦此
意耳

宛其室矣欲霑襟窓几周旋十載心養拙真同蝸在殼等身
恰似芥投鍼盆花一樣逢春色燕壘仍來歸社音討古探今
天外興新詩千萬此中吟

龍河舟中夜坐聽雨將之粵海

絮落花飛三月中浮家停泊待長風煙籠岬柳春千縷雲壓

江波雨一蓬宦興並濃詩卷厚課程未減夜燈紅勞臣不老
關山力抖擻心神早粵東

舟過大孤山口占

蠡口奇峰隻履傳以其形似隻履相傳名之為鞋山中流砥柱勢參天影分

孤壁水搖塔青擁一湖山滿船五老南臨飛古翠雙鐘北望

失寒烟卓然無倚凌波立仰止高風十二年大孤山在潯陽部領內十二年

來未及一登
喜余偕父也

江西通志卷第一百五十六

藝文 詩十

五言小律

唐

送內尋廬山女道士李騰空二首

李白

君尋騰空子應到碧山家水春雲母碓風掃石楠花若愛幽

居好相邀弄紫霞

多君相門女學道愛神仙素手掬青靄羅衣曳紫煙一往屏

風疊乘鸞著玉鞭

五言排律

唐

泥谿

王勃

江西北道志 卷一百五十一
弭擢凌奔壑低鞭躡峻岐江濤出岸險峰磴入雲危溜急船
文亂巖斜騎影移水煙籠翠渚山照落丹崖風生蘋浦葉露
泣竹潭枝泛水雖云美勞歌誰復知

九江口南濟北接蘄春南潯陽岸

蘇味道

江路一悠哉滔滔九派來遠潭昏似霧前浦沸成雷鱗介多
潛育漁商幾泝洄風搖蜀梯下日照楚萍開近漱湓城曲斜
吹蠡澤隈錫龜猶入貢浮獸罷爲災津吏揮橈疾郵童整傳
催歸心詎可問爲視落潮迴

登城樓望西山作

張九齡

城樓枕南浦日夕顧西山宛宛鸞鶴處高高煙霧間仙井今
猶在洪崖久不還金編莫我授羽駕亦難攀簷際千峰出雲
中一鳥閒縱觀窮水國游思徧人寰勿復塵埃事歸來且閉

關

下瀨石

孟浩然

瀨石三百里沿河千嶂間灘聲常活活洑勢亦潺潺跳沫魚
龍沸垂藤猿狖攀榜人苦奔峭而我忘險艱放溜情彌愜登
臚目自閑暝帆何處宿遙指落星灣

送鄭十二還廬山別業

劉長卿

潯陽數畝宅歸卧掩柴關谷口何人待門前秋草閑忘機賣
藥罷無語杖藜還舊筍成寒竹空齋向暮山水流經舍下雲
去到人間桂樹花應發因行寄一攀

題干越亭

天南愁望絕亭上柳條新落日獨歸鳥孤舟何處人生涯投
嶺徼世業陷邊塵江入千峰暮花連百越春秦臺憐白首楚

水怨青蘋草色無征路鷺聲傍逐臣獨醒翻取笑直道不容
身得罪風霜苦全生天地仁青山數行淚滄海一窮鱗流落
誰相識空將鷗鳥親

天柱隱所重答韋江州

暢當

寂寞一悵望秋風山景清此中惟草色翻意見人行荒徑饒
松子深蘿絕鳥聲陽崖全帶日寬嶂偶通耕拙味難容世貧
寒別有情煩君瓊玖贈幽懶百無成

送杜郎中使君赴虔州

楊巨源

迢遞南康路清輝得使君虎符秋領俗鷄署早辭羣地遠仍
連戍城嚴本帶軍傍江低檻月當嶺滿牕雲境勝閭閻闊天
清水陸分和詩將惠政頌述九衢聞

晚登虔州即事寄李侍御

耿滄

草溪與貢水何事會波瀾萬里歸人少孤舟行路難春光浮
曲浪暮色隔連灘花發從南早江流向北寬故交參盛府新
角聳危冠楚劍期終割隋珠惜未彈酒醒愁轉極別遠淚初
乾願保喬松質青青過大寒

奉和第五相公登鄱陽郡城西樓

茂德為邦久豐貂舊相尊發生傳雨露均養助乾坤曉肆登
樓日春銷戀闕魂女牆分吏事遠道啓津門湓浦潮聲盡鍾
陵暮色繁夕陽移夢土芳草接湘源封內羣氓復兵間百賦
存童牛耕廢畝壕水遶新村野步漁聲溢荒祠鼓舞喧高齋
成五字遠岫發孤猿一顧承英達多榮及子孫家貧仍受賜
簪密恭酬恩屬和瑤華曲堪將繫組綸

題遺愛寺前溪松

白居易

偃亞長松樹侵臨小石溪靜將流水對高共遠峰齊翠蓋煙
籠密花幢雪壓低與僧清影坐借鶴穩枝棲筆寫形難似琴
偷韻易迷暑天風撼撼晴夜露淒淒獨憩依為舍閒行遠作
蹊棟梁君莫採留著伴幽棲

重到江州感舊遊題郡樓十一韻

掌綸知是忝剖竹信為榮才薄官仍重恩深責尚輕昔徵從
典午今出自承明鳳詔休揮翰漁歌欲濯纓還乘小艘艤却
到古湓城醉客臨江待禪僧出郭迎青山滿眼在白髮半頭
生又校三年老何曾一事成重過蕭寺宿再上庾樓行雲水
新秋思閭閻舊日情郡民猶認得司馬詠詩聲

題別遺愛草堂兼呈李十使君

曾住爐峰下書堂對藥臺斬新蘿徑合依舊竹牕開砌水親
開決池荷手自栽五年方整至一宿又須回縱未長歸得猶
勝不到來君家白鹿洞聞道亦生苔

送韓湘赴江西從事

姚合

年少登科客從軍詔命新行裝有兵器祖席盡詩人細雨湘
城暮微風楚水春潯陽應足雁夢澤豈無塵猿叫來山頂潮
痕在樹身微密多暇日佳句寄須頻

送韓校書赴江西幕

朱慶餘

從軍五湖外終是稱詩人酒後愁將別塗中過却春山橋榭
葉暗水館燕巢新驛舫迎應遠京書寄自頻野情隨到處公
務日關身久共趨名利龍鍾獨滯秦

奉送中丞姊夫儔自大理卿出鎮江西敘事書懷因成

十二韻

杜牧

惟帝憂南紀搜賢與大藩梅仙調步驟庾亮拂囊韉一室何
勞埽三章自不冤精明如定國孤峻似陳蕃灞岸秋猶嫩藍
橋水始喧紅旃星石壁黑稍斷雲根滕閣丹青倚章江碧玉
奔一聲仙妓唱千里暮江痕私好初童稚官榮見子孫流年
休挂念萬事至無言玉輦君頻過馮唐將未論傭書疇萬債
竹塢問樊村

夏日題遠公北閣

羅鄴

危閣壓山岡晴空疑鳥行勝搜花界盡響益梵音長有月堪
先到無風亦自涼人煙紛繞繞諸樹共蒼蒼榻戀高樓語甌
憐春茗香此身閒未得驅馬入殘陽

和段校書冬夕寄題廬山

劉得仁

名高身未到此恨蓄多時是夕吟因話他年必去隨嘗聞廬
嶽頂半入楚江湄幾處懸崖上千尋瀑布垂爐峰松浙瀝湓
浦柳參差日色連湖白鐘聲拂浪遲煙梯綠薜荔嶽寺步敲
危地本饒靈草林曾出祖師石樓霞耀壁猿樹鶴分枝細徑
縈巖末高牕見海涯嵌空寒更極寂寞夜尤思陰谷冰埋木
仙田雪覆芝亂泉禪客漱異迹逸人知薛室新開竈檀潭未
了棋如何遂閑放長得任希尼

重歸宜春寄朝中知己

袁皓

水香甘似醴知是入袁溪黃竹成叢密青蘿夾岸低緩流瀾
鴻戲深樹鷓鴣啼黃犬驚迎客青牛困卧泥有村皆績紡無
地不耕犁鄉曲多耆舊逢迎盡杖藜殷勤傾白酒相勸有黃
雞歸老官知忝還鄉路不迷直言干忌諱權路恥依棲拙學
趨時態閑思與牧齊稻糧饒燕雀江海溢鳧鷖昔共逢離亂

今來息鼓鞞恩仁露品物教化及雕題上貢貞元祿曾叨寵
記批何須歸紫禁便是到丹梯珍重長安道從今息馬嘶
南唐

秋霽望廬山瀑布

夏侯楚

常思瀑布幽晴眺喜逢秋一帶連青嶂千尋倒碧流濕雲應
誤鶴翻浪定驚鷗星浦虹初下爐峰煙未收巖高時裊裊天
淨起悠悠僅見朝宗日還須濟巨舟

廬山

李咸用

非嶽不言嶽此山通嶽言高人居亂世幾處滿前軒秀作神
仙宅靈為風雨根餘陰鋪楚甸一柱表吳門靜得八公侶雄
臨九子尊對猶青嶽眼到必冷凝魂勢受重湖讓形難七澤
吞黑巖藏晝電紫霧泛朝墩蓮墮寧唯華玉焚堪小毘倒松
微發罅飛瀑遠成痕疊見雲容襯稜收雪氣昏裁詩曾因謝
作賦偶無孫流礙星光撒驚衝雁陣翻峰奇寒倚劍泉曲旋
如盆草短分離雉林明露擲猿秋楓紅葉散春石谷雷奔月
好虎溪路煙深粟里源醉吟長易醒夢去亦銷煩有覺南方
重無疑厚地掀輕揚聞舊俗端用鎮元元

題故李賓客廬山草堂

許彬

難窮林下趣坐使致君恩術業行當代封章動諫垣已明邪
佞迹幾雪薜蘿冤報主深知此憂民詎可論名將山共古跡
與道俱存為謝重來者何人更及門

廬山

李中

控壓潯陽景崔嵬古及今勢雄超地表翠盛接天心湓浦春
煙列星灣晚景沈圖經宜細覽題詠卒難任靖節門遙對庾

公樓俯臨參差含積雪隱映見歸禽峭拔推雙劍清虛數二
林白蓮池宛在翠輦事難尋天近星河冷龍歸洞穴深谷春
攢錦繡石潤疊瓊琳元鶴傳仙拜青猿伴客吟泉通九江遠
雲出幾州陰冬有靈湯溢夏無炎暑侵他年如遂隱五老是
知音

寄題廬山二林寺

釋無可

廬嶽東南秀香花惠遠蹤名齊松嶺峻氣比沃州濃積岫連
何處幽崖越幾重雙流湓隱隱九派棹憧憧山限東西寺林
交旦暮鐘半天傾瀑溜數郡見鱸峰巖並金繩道潭分玉像
容江微匡俗路日杲晉朝松椽逕新苞拆梅籬故葉壅嵐光
生疊砌霞燄發高墉牕籟虛聞狖庭煙黑過龍定僧仙嶠起
逋客虎溪逢濩落垂楊戶荒涼種杏封塔留紅舍利池吐白
芙蓉畫壁披雲見禪衣對鶴縫喧經泉滴瀝沒履草丰茸翠
竇斂攀乳苔橋側杖筇探奇盈夢想搜峭滌心胸冥與終難
盡登臨惜未從上方薇蕨滿歸去養乖慵

宋

南康落星寺

祖無擇

金碧共玲瓏樓臺浩渺中雨花僧講盛星石寺基雄巖岫廬
峯對波瀾蠡澤通微紅看海日遠綠認江楓鷗鳥機心息潮
音梵唱同人間羣玉府寺有太宗皇帝御製御書物外廣寒宮雲衲蒸多
壞塵襟到自空扁舟五湖客長此伴支公

廬山瀑布

絕巘千尋勢飛泉萬疊痕寒光涵玉岫靈派析璇源峭壁河
流立蒼崖井浪翻猿悲經樹急龍駭落潭渾氣爽諸峯秀聲

和衆籟喧功成身退日期此灌中園

題仰山二十韻

維南斗牛下萬仞聳崔嵬日上光先占江盤勢卻迴一方蒙
雨露幾處對樓臺不逐秦鞭去曾經禹載來雲生峯慘淡冰
泮谷喧飀險外煙嵐變深中洞府開巖花春灼爍溪鳥暖瑤
翹飛瀑含清籟乖龍走疾雷平川蕭廟闕半腹鄧壇摧精蘊
瑤瑰寶奇鍾杞梓材僧軒宜薜荔樵徑怯莓苔旁睨龍洲橘
前瞻庾嶺梅仙經饒地肺賦筆讓天台神物多靈貺農田少
旱災隱居須獨行吟咏亦難才何客能依止伊予敢語哉一
麾成繫滯四友阻遊陪未脫紅塵累徒嗟白髮催夢頻生枕
席賞每倒尊壘預恐瓜時代圖歸作醉媒

鬱孤臺

蘇軾

八境見圖畫鬱孤如舊游山為翠浪湧水作玉虹流日麗崆
峒曉風酣章貢秋丹青未變葉鱗甲欲生洲嵐氣昏城樹灘
聲入市樓煙雲侵嶺路草木半炎州故國千峯外高臺十日
留他年三宿處準擬繫歸舟

鬱孤臺

自注再過度
州和前韻

吾生如寄耳嶺外亦閒游贛石三百里寒江尺五流楚山微
有霰越瘴久無秋望斷橫雲嶠鳧飛咤雪洲曉鐘時出寺暮
鼓各鳴樓歸路迷千嶂勞生閱百州不隨猿鶴化甘作賈胡
留祇有貂裘在猶堪買釣舟

鄱陽湖四十韻

劉弇

巨浸連吳越高躔直斗牛元冥開別府江伯匯支流象緯元
精逼神姦秘怪哀番君疏帶礪彭蠡壯襟喉赴隙如無地憑

濡忽有州津涯逾寫潤窟宅定剗幽鳥認瀛鼇戴濤疑陣馬
蒐珠跳憐雨駛鏡滑識風收樹帶喬枝隱山餘短碧浮窺規
沒罔象睥睨快陽侯漾月都迷皓蒸雲間作油涵濡均藻苻
冗長到鰕鰵蜃幻晴噓閣龍腥夜拔湫萬尋懸圃玉一帶洞
庭秋盈縮知誰紀吞并似力犂鯉矜封赤鯁龜笑斥朱旰嵌
竇扶桑鬣珍文匠石鏤鷗羣馴野客蚘肆傲潛蚪罟數筐零
霰檣輕弩激錐孰分浮瓠滢或訝繞蛇邱絃索延商婦解艤
送莫愁陶朱誠得策神禹想遺憂端稱潺湲弄非無隱伏搜
豆分高下渚葦視去來舟血脈乾坤活瘡痍稼穡瘳彼猖包
息壤瑣碎落浮漚蓮女嬋娟擢漁郎芼燥甌有人褰繡被無
客傲鸛裘貨貝窮乾沒醪羞肅丐求束枯論沃釜戒覆比傾
輶衆木杯盃外佗年吐納尤鵲填功未議鯨吸志應酬何事
輕思濟吾防果未周貼危心骨醉飄泊面顏羞敢計乘桴去
何知戴笠遊片帆真擾擾隻影轉悠悠卑濕嗟梁傅星霜挂
魏牟勞歌慙孺子破篋付平頭烏豉綠尊置黃糗為鱠謀清
螺取歸日穩權聽夸猶

妙覺寺

孫覲

老厭風波惡安閑且樂禪開簾延白日倚杖立蒼煙鳥散人
聲裏鐘殘客夢邊小蒲風葉偃薄權露華鮮句好吟鬚斷權
餘落照偏人生但如此何處不翛然

游開先寺觀香爐瀑布諸峯讀李蘇二仙詩知廬阜之
勝在是記以十韻

王十朋

廬山何處好勝地有開先瀑布漱寒玉
香爐生紫煙紫
霄長近日黃石不知年
鴈蕩靈湫合
豐城寶劍連

黃石岩

有兩瀑布

龜行似朝斗行龜鶴唳欲冲天鶴鳴馬尾只自洗馬尾牛頭

奚用穿牛頭雄詞惟太白妙句更蘇仙寺占星流處橋飛月

出邊碑方閱華藏山谷作開先夢已到栖賢明日游三峽歸

心定決然

元

桃源圖 并序

揭傒斯

江左龍虎山南十里有桃源者劉王二尊師所闢也臨江

范亨父為之記予為賦五言詩十七韻

桃源非一處龍虎畫難同內外關踰鐵高低石作叢黃旂青

劍北紫蓋白雲東蟾影當霄迴蛾眉抱月弓六峰名千重藏曲

折四面削虛空地戶吟風黑天池浴日紅雪霜翻濺瀑雷雨

瀉崩洪暗識猿啼遠晴聞鳥語工危龕三井祕絕澗九橋通

江合仙崖怒山連鬼谷雄劉王開闢後秦晉有無中時見看

桃侶頻逢采藥翁丹臺寒漠漠琳宇氣熊熊濟勝非無具緣

源恐莫窮煙霞俄變滅草樹杳龍蔥四序何勞誌羣愚倘擊

蒙誰言武陵近十里上清宮

南山詩山在龍虎山南張宗師藏劍鳥之地曰丹邱有

雲亭山雲閣丹桂鵑桃花源云

陳旅

江左羣山圍仙邱倚太霞上清分亢爽南谷抱咭砢臺觀黃

瓊宅林巒赤虎家天池開寶鑑日并射金砂桂實秋巖栗桃

烘曉岸葩泉香通美竹雲液漱靈芽俯澗松偏潤綠崖逕自

斜幽亭宜水繞晴閣受嵐遮神舄丹扃祕元關紫氣賒石橋

留月色銀浦渺皇華願解延陵劍終乘博望槎臨風一邂逅

食我棗如瓜

明

望香爐峰讀孟浩然詩因述

劉永之

移權望廬阜香爐舊識名鳥飛千嶂碧日淨片雲生瀑挂長
虹下溪深猛虎行松門通佛宇蘿徑繞檐楹業愛遠公白詩
欣孟子清余方謝羈束幸此共芳聲

擬峴臺

徐良傅

汝水抱城闈文昌帶石垠臺高平入漢山遠勢從閩雉堞分
朝靄漁歌荅霽旻晚沙明匹練煙樹暗通津款款鳧鷖並垂
垂橋袖親稍寬千里目翻愧百年身廊廟丹心在江湖白髮
新頓能羣鹿豕亡論畫麒麟東景扶桑樹西流弱水濱仙鸞
如可借去作遠遊人

惠孝寺

在西原山能仁寺西

陳嘉謨

西原西郭外寺景各宜人此地無行跡何緣駐病身風高絳
殿冷天迴白雲新樹隔迴青嶂泉分轉綠蘋毒龍藏鉢小猛
虎上街馴寤語初傳偈重來漫證因生涯悲大夢世界問微
塵自怪陶潛僻長將慧遠親

過鉛山遊觀音山詩

葉向高

見說茲山好閒來愜勝遊懸崖藤欲合怪石筍能抽磴轉迴
闌暮苔深古洞秋春圍羣嶂色綠湛小池流紺宇標香界慈
雲繞沃洲氣從關尹望轄為故人投旅况尊中盡冥搜象外
幽忽傳烽火急臨眺且消憂

匡廬道中

鄒元標

匡廬高萬丈道路何逶迤似挾風雷至回看星斗隨樓臺多
美麗亭榭半傾欹五老標銀漢三江漾碧漪廊邊鳴虎豹潭

底浴蛟螭翠竹餘音響閒雲動遠思長吟秋色迴不覺午陰
移小偈磨題徧巖僧未許知

望湖亭

胡大成

地盡三江外亭窺九派中水光深浴日山色遠依空極浦浮
征棹長天度朔鴻劍如衝斗近星可泛槎通鬢髮隨年換登
臨自古同朗吟湖上作漂泊憶蘓公

新淦陳黃石明府相過予問以土著之兵云為餉科疏
裁去守城責之守令兵安可裁也

劉同升

淦水金湯固軍需安可裁逢迎出下策苟且誤將來守土寧
無責旁觀莫浪猜豐亨全盛日經濟豈憂財漫謂窮搜括翻
令基禍胎客兵非廟算土著扞城隈仗馬鳴將斥西牛鼎亦
隕清時詎有關言路固宜開日奏封疆警頻聞水旱災何緣
桑孔計偏向省垣推廉吏紆三策憂邊備五材贈言兼遠畧
清嘯得追陪

國朝

鬱孤臺弔古

曾燦

獨上鬱孤去登臨思渺然流鶯三月暮疎樹萬家煙浪打空
城外山圍故國前女牆桑葉白官署杏花妍旅食朝彈劍春
風夜控弦笳聲生古戍日影動長旃血戰元黃野人悲雞犬
年賀蘭瞻獸闥鄴水奪龍輶下澤鳴芳雉行宮泣杜鵑樓高
金鳳起關鎖玉虹懸鐘鼓埋榛久牛羊踐草眠講堂槽糞壑
石碣枕荒阡玉馬聞河瑞銅人過渭川興亡雙眼落憂患一
身全何處餘乾土誰人有敗椽建牙廨養宅買伎水衡錢毳
帳供三百馳羹費十千臺猶存望闕亭已著廉泉李趙勲何

在周程緒獨傳高榕巢遠鵲平楚墮飛鳶暖氣侵衣重雲濤
壓鬢偏估車通粵嶠灘路接湖天且讀賈生賦行休祖逖鞭
升沈如白日去住只青瑣囊剩投殘筆家留粥盡田吾生當
此際何以策高騫

乙巳嘉平月同藥公及諸子遊青又庵 施閏章

晴冬風日好乘興恣攀躋嵐氣盈襟袖泉聲逐杖藜天圍一
握小峰截片雲低暗穴熊留館荒陂虎印泥釣臺邀客坐石
壁待誰題置屋綠茶圃分流潤麥畦野梅寒早發谷鳥臘先
啼白飯烹葵美青林采藥迷惠莊心共遠支許手同攜不盡
青青色重看萬嶺西

登滕王閣

朱彝尊

峻閣峙洪都凌虛落照孤縈迴窮島嶼波浪接荆吳舊地君
王賞分封禮數殊霓旌千騎入玉佩幾行趨水沉魚龍宅花
濃蛺蝶圖星霜歌舞換俯仰物華徂蹟以三王重名將百代
俱雄文思往事高興亦吾徒欄檻看如昨登臨信可娛西山
開積雨南浦散平蕪作賦秦公子行吟楚大夫由來憑眺地
襟帶有江湖

余作江州雜詩灌園既垂和續爲潯陽行感慨淋漓讀
之使我心惻因推本其意再成長律四十韻首言風土
次序東晉以後迨明初一竊據事終於寧南乙酉之
禍此州被亂情形始末略備休養生聚其在斯時乎並
邀恒齋太守同賦 查慎行

鼓角悲涼地山川要害城一州當孔道萬里控江程近楚風
猶悍吞吳氣未平鳧鷖飛易散魚鮪竄多驚戶少移恒業田

磽廢力耕兒童知矢石婦女識旗旌不諒流離苦翻疑性命

輕舊文徵史冊殘局愴棋枰置郡名長易秦為九國初屬武

昌後置潯陽郡晉改江州梁移九江治湓城唐宋為封王面

或黥謂英大都當用武未有不稱兵建業朝廷小潯陽肘腋

并中原方轉鬪南服暫維寧草草圖王計寥寥伐叛聲奸雄

雖反覆使相必忠貞間倚屏藩重頻扶鼎鼐傾侃領江州平

王敦咸和中温嶠義兵由潯陽趨建業斬蕪峻隆安中劉毅

何無忌輩敗桓元於崢嶸洲梁承聖中陳霸先以江州刺史

定侯景艱虞經剝運成敗付閒評是物關天授伊誰敢力爭

每聞稱僭竊旋見就擒烹宋泰始元徽中晉安王子勳桂陽

以江州反未幾就平南宋建炎中李成陷江州為都國號漢改元大義

所敗元至正二十年陳友諒以江州為都國號漢改元大義

尋戰昨者民何罪今來憤尚盈勤王須奉檄犯關爾無名灑

上隨兒戲洄中笑客迎崇禎甲申左良玉避流賊鋒欲遁九

已而返武昌乙酉春監御史黃澍偽藏太子詔召良玉將

軍停鎧仗辨士絕冠纓勿戢兵猶火搜牢地盡阮初良玉發

督系繼咸以往至是與繼咸標將郝二連營九江摧殘鋒太

酷屠戮禍交櫻漂血長溝赤燒空烈焰晴押綱連萬艦宋曹

州調取廬山東林鐵羅漢五百歸潁捲甲拔諸營作俑歸曹

翰貪狼甚李成天誅旋辜伏兵發九江良玉殺氣驟難清落

籍銷灰劫招魂異死生若非敷大澤何以起疲氓牙檠枝初

發勾尖草乍萌及時資愛養太守賴廉明冷署依雙劍頽垣

寄一楹涉園除瓦礫課僕種蕪菁耗拆空瓶粟支吾折脚鐺

官貧仍逆旅吏隱亦柴荆曉雨排衙坐春田露冕行設施看

次第氣象卜豐亨蟋蟀還農俗琵琶遣宦情篇成聊紀實大

雅待君賡

江西通志 卷一百五十一 藝文

康郎山功臣廟十四韻

疇昔驅除會英雄想像間驛移青雀舫酒灑白茅灣鷹隼搏
空擊鯨鯢授首還波濤經虎尾矢石避龍顏一戰西南定羣
公策力閒死方開國運生不點朝班紀信無遺恨曹成本世
官顯榮褒後裔茅土愴重頒奕葉將軍樹廟前古魏相傳明
太祖破偽漢時封
為將中流砥柱山炎風焚鐵券石馬嚼金環黃屋今無跡朱
旗閃尚殷太平何事業要害此江關廟貌瞻嚴肅時情易險
艱興亡他日事清泪獨潺湲

宿東林寺

江殷道

久愛煙霞好今尋薜荔香松濤疎入耳花雨暗侵裳檜老雲
門古鐘閒蕭寺荒缺鐺餘宿火落葉護敲牀潭印禪心寂秋
凝客思傷近峯連杳靄遠樹隔微茫蟲雜鳴泉咽風隨夕照
涼高僧蓮欲白處士菊初黃酒社空村墅經聲卧法堂獨留
橋上月回憶草頭霜

六言排律

宋

遊麻姑山

朱彥

羽駕龍車舊宅金爐玉簡幽宮雙練亭前秋水七星杉下春
風蓮沼何年變白桃源幾度翻紅明月清陰居士星冠羽褐
髯翁一弄瑤池新曲夜寒風入霜松

七言排律

宋

陳義門

錢若水

居近東崖對白雲義風深可勸人倫兒童盡得詩書力門巷

偏多車馬塵樓上落霞黏筆硯池邊怪石間松筠鄉閭豈獨
民遷善堦砌兼聞犬亦馴朱實垂庭紅橘熟清香襲座藥畦
春他年好卜為隣住悔葺吾廬洛水濱

送知軍曹比部移虔州

李 覲

要知賢者善居官法自嚴明性自寬黠吏欲欺難作計愚民
初懼久方安獄詞大小情皆見市物公私價一般農力不聞
供土木窮閭猶得免饑寒星為二使來巡撫考未三年悉可
觀劇郡便當煩鎮守君恩寧許更盤桓兩輻輳水行非遠五
袴盱江日漸單從此天衢龍躍去野人懷德謾悲酸

五言絕句

唐

送胡真師還西山

見真仙通鑑

唐明皇

仙客厭人間孤雲比性閒話離情未已煙水萬重山

別東林寺僧

李 白

東林送客處月出白猿啼笑別廬山遠何煩過虎溪

江行雜詩六首

錢 起

新野舊樓名潯陽勝賞情照人長一色江月共淒清
願飲西江水那吟北渚愁莫教留滯跡遠比蔡昭侯
湖口分江水東流獨有情當時好風物誰伴謝宣城
潯陽江畔菊應似古來秋為問幽棲客吟時得酒不
咫尺愁風雨虛廬不可登祇疑雲霧窟猶有六朝僧
幽懷念煙水長恨隔龍沙今日滕王閣分明見落霞
過白鶴觀尋岑秀才不遇
不知方外客何事鎖空房應向桃源裏教他喚阮郎

劉長卿

送靈徹上人

蒼蒼竹林寺杳杳鐘聲晚荷笠帶夕陽青山獨歸遠
同賦龍沙墅

戴叔倫

憶鄱陽舊遊

顧況

悠悠南國思夜向江南泊楚客斷腸時月明楓子落

登匡頂

遙聞林下語知是經行所日暮香風時諸天散花雨

過彭澤

孟郊

揚帆過彭澤舟人訝歎息不見種柳人霜風空寂歷

遺愛寺

白居易

弄日臨溪坐尋花遶寺行時時聞鳥語處處是泉聲

庾樓

重遊蕭寺宿再上庾樓行郡人猶認得司馬詠歌聲

宿吉祥寺寄廬山隱者

楊衡

風鳴雲外鐘鶴宿千年松相思杳不見月出山重重

信州水亭

張祐

南簷架短廊沙路白茫茫盡日不歸處一庭梔子香

題彭澤廬明府新樓

碧落新樓迴清池古樹閒先賢盡爲宰空看縣南山

香爐峰

徐凝

香爐一峰絕頂在寺門前盡是玲瓏石時生旦暮煙

廬山獨夜

寒空五老雪斜月九江雲鐘聲知何處蒼蒼樹裏聞

江西通志 卷一百五十一 夜泊九江

崔道融

夜泊江門外歡聲月裏樓明朝歸去路猶隔洞庭秋

陪江州李使君重陽宴百花亭

閒攜九日酒共到百花亭醉裏求詩境回看鳥嶼青

弋陽訪古

施肩吾

行逢葛溪水不見葛仙人空拋青竹杖呪作葛陂神

經吳真君舊宅

古仙煉丹處不測何歲年至今空宅暮時有五色煙

臨川送別

牛鳳及

秋郊日半隱野樹煙初映風水正蕭條那堪動離詠

題竹林寺

朱放

歲月人間促煙霞此地多殷勤竹林寺更得幾回過

遠公墓

釋靈徹

古墓石稜稜寒雲晚景凝空悲虎溪月不見雁門僧

送僧遊香山寺

釋齊己

君到香山寺探幽莫損神且尋風雅主細看樂天真

宋

南浦

王安石

南浦隨花去迴舟路已迷暗香無覓處日落畫船西

初入廬山三首

蘇軾

青山若無素偃蹇不相親要識廬山面他年是故人

自昔懷清賞神遊杳靄間如今不是夢真箇到廬山

芒屨青竹杖自挂百錢遊可怪深山裏人人識故侯

廬山五詠

上界足宮府飛仙亦何益還在此山中相逢不相識盧教

博士雅好飲空山誰與娛莫向驪山去君王不喜儒飲酒

石室有金丹山神不知祕何必露光芒夜半驚童稚聖燈

皎皎巖下泉無人還自潔不用比三星清光同一月泉

長安不自遠蜀客苦思歸莫教名障日喚作小峨眉障日

白鶴觀

孔武仲

洞天人遠矣琳館有遺踪願棄人間事優遊慕赤松

化成院二首

化成真化出絕險起朱欄直下臨無處江城一掬看

登覽多清興衣襟有白雲松風不知際山籟坐中聞

曹亭二絕句

孔平仲

外看江水長裏見荷花發廬阜收白雲南浦浸明月

漾舟荷花裏棹綠楊陰却上曹亭望山高江水深

南昌繡谷山幽谷亭

曾肇

行盡車馬塵坐見水石環誰料干家縣正在清華間

徐亭汎舟二首

彭汝礪

萬葉雲煙上千花錦繡中停車不忍發為恐破圓紅

喚雨軒窗潤秋風池沼香愛花不忍折恰似惜甘棠

隆興道中

晁沖之

澗道垂黃花山城擁紅葉人爭小舟渡馬就平沙涉

廬山詩

洪朋

山瀑兩道瀉木葉四時春日暝不知去魚鳥會留人

自祁門至進賢路中懷舊二絕

呂本中

雨歇路逾滑山空鳥不飛却思無事日騎馬踏泥歸

汴水夾榆柳今留代馬蹤如何進賢路只是見青松

州宅十二詠

王十朋

愷悌周君子循良漢守臣如今坐堂上端是政平人

平政堂

不是因三秀名堂意自深要居森戟地毋忘采芝心

玉芝堂

昔日栽花者官移花未開舊花今豈在猶說范公栽

慶朔堂

會得名軒意公餘坐片時退思何及矣未退早須思

退思軒

猶起才難歎同時九亂臣鄱陽千載守賢豈許多人

九賢堂

有澤宜觀水無簷不見山番君千里國俯仰一亭間

四望亭

誰品鄱陽守四人賢不知如何堯舜世能使野無遺

四賢堂

孤鶩同飛處澄江共賦時晚來亭上看真是謝公詩

綺霞亭

高架添風韻芳醪共姓名蘇州凝燕寢疑是此香清

清香亭

昔日風流守公餘種百花春風不檢點紅紫落誰家

百花樓

郭外山橫閣江邊水照樓麤官無暇日何以得消憂

鄱江樓

亭廢名猶在春來花自芳猶餘蜀中錦愛惜比甘棠

蜀錦亭

題天華院

遊徧廬山寺茲山亦自佳數宵緣石耳一飯為天華

東西馬當山

此地水如峽有山名馬當猶疑是灩澦更合戒舟航

白公草堂

廬阜雙林寺爐峰幾瓣香日烘煙裊紫敬為白公堂

萍鄉

劉克莊

聞說萍鄉縣家家有綃機荒年絲價貴未敢議寒衣

墨莊五詠

朱子

詩書啓山林德義久儲積嗣世知有人新畬更開闢

墨莊

窗開深井泉窈窕千丈碧何幸且淵澄無勞遽心惻

列軒

幽人本何心偶此翳環堵隱几亦無言光風遍寰宇

靜春堂

竹几橫陳處韋編半掩時寥寥三古意此地有深期

玩易齋

倚杖臨寒水披襟立晚風相逢數君子為我說濂翁

君子亭

列岫亭望西山最正殆無毫髮遺恨滕王秋屏皆不及

也因作詩二首

城中望西山拄頰空朝暮不到列岫亭詎知親切處

東西水平分南北山中判妙處毫髮間商略無遺算

湛泉送客二絕句

徐鹿卿

吾生如寄耳嶺陞又三年正是歸心碎那堪送客船

中年懷易惡更聽斷腸聲多謝兩榕樹逢人管送迎

元

五面山

趙孟頫

洞中即仙境洞口是桃源何殊五陵路雞犬自成村

長廊巖

修巖如長廊下有流泉注山中古仙人步月自來去

太平山雜詠

二十二首

揭傒斯

太平最高峰暑亭更瀟灑但有日與月晝夜繞簷下

極高明亭

雲歸樹繞環雨餘山更淨長嘯天地低引手捫斗柄

北極山

井水深莫測甘冽如沆瀣一朝蟄龍起霖雨滴下界

龍井

洛水載書出化為碧孱顏堂堂富川郡永鎮東南山

龜山

仙人出未還老鶴惜無伴延頸東臯山不知日已晚

鶴山

枯槎大幾何泛泛此溪渚會乘天上去殷勤問牛女

枯槎溪

天風西北至獵獵動雲旗却訝西王母瑤池晝下時

雲旗峰

空巖發靈籟彷彿如風雷只宜函寶劍天遣六丁開雷巖

坡上春雲白坡前瑤草長仙人三十指曾此采幽香三仙

少年武當至寄此南枝春歲歲滿樹上花開遲故人梅柳

異根却連枝欣欣更榮發詠出山中人此義良可法義標

山靈驅猛獸跑出一泓泉流作人間去還為大有年鹿跑

煙雲常黯澹時護五雷峰忽爾雲烟散撐空翠萬重五雷

石門高幾何自非神禹鑿有時龍忽歸滿山風雨作龍門

何年孟氏姥照影石潭底姥去不可追至今名在耳孟姥

愛此獅子巖宛若獅子踞忽然一咆哮清音滿天地獅子

梧桐葉初凋高岡秋瑟瑟鳳凰飛去來月明如白日梧桐

矐此石葫蘆不隨草木壞誰能剗其中劖此大千界葫蘆

茅君騎虎來石上遺虎跡豈無莓與苔自是不敢藉虎跡

白石亦何堅文豹來齒之齒之痕尚在無乃神所為豹齒

陰洞有靈藥不知經幾春年來荷鑪冶化作石丈人石人

仙人赤雙脚踏石如踏泥泥痕尚可沒石痕不可迷仙跡

建昌小湖望廬阜二首范梈

青雲覆壘巘白鳥度平湖釣嶼夜來雨山深知有無

我懷真鍊士多在巖谷陰惟有高林月長知望遠心

信州招真觀五首袁桷

縱橫太古石短長千歲藤感彼巖居子獨飲古澗冰鬼谷

曉汲寒泉清明月各在岳岳空不見月引水復在手寒月

截玉作明簾不知簾外事應有碧眼仙隔簾見人至玉簾

顧兔樂嬉遨入地不得騁化為白玉泉彷徨返東井泉

金鼎闕寒泉真火彌不壞年深定飛騰子夜吐光怪井丹

龍虎山四詠

巨靈劈山石飛出黃金雞至今山下人猶聽雲中啼金雞

載寶出西域獻琛自南溟仙人一叱之化作青峻象

寶劍落深潭時時見光怪鱗甲飛上天白晝風雨快龍

天星二十八下作漢廷將功成歸帝傍精彩射石上雲臺

題分宜縣橋

郭鈺

雲從溪北生雨過溪南響溪上蓑笠翁倚闌看水長

龜峰絕頂

釋大圭

危石青入雲上有千歲木我來臥其間天風響巖谷

明

陶皮石室

自注即今北巖古陶皮二仙修鍊之所天將雨則巖竇有泉出焉禱者常以為候雉名觀

音巖今正之

劉崧

北巖極豁豁三面環絕壁聞有山雨來石泉先暗滴

百花洲

鳴榔百花洲繫船楊柳樹乳鴨湖上歸浮沉不知數

遊仙巖二首

吳伯宗

偶喜尋幽境閒逢採藥翁丹邱知不遠只在碧溪東

石髓雲中現蓮花水上浮神仙如可待直到最高頭

書草萍驛

王冕

三月草萍驛風花點客衣春山啼杜宇也道不如歸

彭浪磯

夏寅

虎牙彭浪石鐵柱小孤山江漢朝宗道東南第一關

楊林橋

在貴溪

吳與弼

野水平橋路行行霽景開地名時記取他日或重來

江西通志 卷一百五十一 藝文 宿長林

歇輻來磐石支頤面好峰道旁秋水淨嶺背夕陽紅

四仙亭野望

何遷

野逕披寒雪空山傍夕昏萬峰藏日觀一水上天門

吉安

李東陽

山勢西來斷江流北去平萬家深樹裏聞是吉州城

墨莊五詠為天寶劉氏賦

有序

楊廉

按劉氏之居清江靜春與集賢舍人各自為派而同出於

墨莊以上評事典也墨莊初於汴宋而記於南渡之後今

天寶士會又為之起廢於異代遷徙之後且并晦翁所為

五詠曰軒堂齋亭者舉復其舊觀其志亦已勤矣雖然昔

之名亭勝宇類不在天地間所以不朽者人也士會之令

器今南京刑部檢校高邀余賦之因識於此若夫所謂不

朽者在檢校君豈可不以前聞人自勗哉

前人墨為莊原不在青紫我愛考亭翁發明良有以

墨莊

為學如掘井成功斯及泉猶聞軒中人麗澤師友賢

軒列

誰謂靜為主誰供春一月周程去未遠淵源豈容絕

靜春堂

寡過聖絕編踐履賢盡易神明本在人豈必泥龜策

玩易齋

水華晚尤佳對之詎忍折人間遊戲文千古愛蓮說

君子亭

周村八景為松亭題

夏尚朴

節彼雞鳴峰下有先賢宅孳孳為善心俯仰無今昔

雞鳴峰其下有

宋狀元徐梅野故宅

青山誰結廬偏近猿猱穴時聞王子喬吹笙弄明月

猿嘯岫

明月到清池寒光漾如許羊裘時獨披愛與魚鰕侶

釣月池

朝來一雨餘白雲滿平野中有植杖翁不見問津者畊雲

君如王右丞亦愛松間屋月下時獨來清風響幽谷愛松亭

路入山自幽獨趁幽尋去時聞伐木聲遠在雲深處採樵

春江湧釣沙便有鷗來宿相對總忘機滿江煙水綠來鷗

杖策時出遊歸途雜樵牧夕陽猶半山啼鳥在深竹歸鳥

袁節婦三首

吾邑袁尹達祖母迎養在任

夏言

阿母冰霜節空閨六十春袁宗今有後不負未亡人

始鞠無父孤終憐無母孫一生為袁氏辛苦難具論

阿母壽幾何於今八十餘向時膝上孫之官奉母俱

卧雪東林寺延望天池感賦二首

胡直

宿世天池客雲深世絕尋東舍匡仙館凶家董奉林

一落何遲迴飈輪久莫馭悵望山頭雲徘徊山下路

黃牛潭

饒烈

入口話黃牛紛紛上急流人聲喧鬧處燈火競維舟

九日遊三疊泉 二首

魏良器

醉臥藤蘿石溪花映客衣不知山日暮猶問此何時

三疊我重遊匡廬九月九菊花笑淵明底用王弘酒

盤龍東嶂

魏良政

東望盤龍峰見山不見龍龍盤不可見上有雲萬重

鶴嶺西屏

靈峰插天表鶴嶺在其西靄靄翠雲屏可望不可移

晚下廬山

徐正卿

下山鼯鼠啼藤竹使人迷多謝東林月殷勤過虎溪

馬當大風

劉鐸

倒峽羣龍鬪騰空萬馬嘶江神遣巨浪索我笈中詩

聚僊亭

徐良傳

四僊如聚塵中有徐道人偶爾遇前識安知非後身

水口寺

今日白頭僧先朝清宮使朝拂廬山雲暮宿水西寺

廬山五老峰

郭正域

湖中五老峰去天不盈尺澗底白雲生五老頭俱白

落星石

陳翼飛

白榆何夕墮危石青如此疑是酒星沉渴飲湖中水

芝山春遊

祝世祿

溪山春正半載酒鳥邊亭取醉非吾事乾坤忌獨醒

自信州還貴溪

朱大啓

小艇恰容膝輕帆下溜灘忽聞津吏語斜月挂江干

擲筆峰

李萬實

遠公說金經書罷曾擲筆千年棄不收化作一峰立

捨身崖

峭壁一萬丈飛鳥愁欲下望雲思我親此身未能捨

冰壺泉

一泓沁寒泉冰壺浸秋月我來湖上窺照影數毛髮

虎溪

送客過溪橋虎嘯溪上石溪水至今流月黑烟蘿碧

從姑山一線天

趙伯里

石罅劃天開山光割昏曉振衣凌絕頂自覺衆峰小

白雲亭

在彭澤亭為秋梁公作

陳嘉謨

一老獨望雲五龍竟取日公於君親際倜儻故無匹
白雲望不極重上白雲亭亭下九江水茫茫鷗鷺汀

登雪浪閣瞻念菴先生祠

張位

閣外浪如雪座中人似仙高風不可覲山水尚依然

白鹿洞月下口占

二首

李應昇

渡溪芒屨溼兀立酒初醒點點松梢白疎痕幾箇星
言尋獨對亭相將松影去獨對者誰子問松松不語

仙人石

揭重熙

仙人何處去空有仙人跡時一聞笙簫元雲來絕壁

市汊驛下阻風

程誥

江干日色黃北風怒不已君看上水船一日三百里

琵琶亭

殘照亭皋夕秋風旅鴈飛琵琶千載恨淚滿逐臣衣

國朝

湖上獨眺

彭士望

湖上水如昨樓臺望已稀可憐相識燕猶向舊家飛

江行

漸水霞如鉞天山施閨章

將入雙江路雲迷阜口西昨宵愁不寐恰有鷓鴣啼

懷讓邨客虔州

聞君發歸棹還滯虔城裏雙江人不來愁殺雙江水

入廬山口號

二首

王貽上

翠竹青松裏橫峰側嶺間坡公曾有語真箇到廬山

曉出潯陽郭廬山方出雲雲中雙白虎邀我問匡君

車盤驛題逆旅主人壁

朱彝尊

曲澗層層響叢篁个个齊前山行更好不信鷓鴣啼

晚過東山寺

飛閣流丹蝕層巒積翠多松間明月在惆悵下山歌

五老峰上絕境詩

朱徽

踏倒兜羅縣四望琉璃界不知天地間何者有成壞

密至瑞金縣作

丁煒

樹響忽驚秋嵐深欲變雨雲山翠幾重莫辨來時路

望裏見孤城行行津市杳極浦水霞收遙天山月小

同梅月川翰林泛舟過北蘭寺

熊一瀟

城闌三面浮須臾失高閣杳杳望香林磬聲煙際落

廣信舟中望靈山

查慎行

頑石四百里自安仁至鉛山河口臨江石山狀如覆盎草木不生茲焉秀獨鍾翠屏三

十六不數九芙蓉

鹿洞雪

干建邦

虬龍翔碧漢鱗甲故垂垂始信洞門裏今朝是葛陂

敗絮迎扉坐猶如退院僧呼童鋪木屑為接遠來朋

清江月色

歐陽斗照

江水澄太虛寒蟾印秋影不待楓落時已似吳江冷

楊柳津詞

次家鴻博載韻

錢陳羣

美人入空際解佩遺蒼瑤化作一溪水楊柳垂長條

青溪折楊柳露下沾衣裳相送不相語洞口逢漁郎

六言絕句

唐

寄李袁州桑落酒

郎士元

色比瓊漿猶嫵香同甘露仍春十干提攜一斗遠送瀟湘故人元

送鄧師禹歸龍虎山

袁桷

小帽飛花一寸輕舟流水三分落日獨歸洞口隔溪短笛猶聞

鰲溪山行和彭琦初二首

劉詵

照袂晴江淺淺迎風青鬢疎疎看山拄杖欲倦得句畫沙共書

巖上石仙流兩灘頭春壑生雷回首鹿門總角鬢頭如戟重來

題危太樸雲林圖

丁復

天台萬八千丈雲林三十六峰幾載山中獨憶今朝江上相逢

明

弋陽道中

陸邲

石子船頭磊磊溪聲枕上潺潺人行上瀨下瀨夢隔千山萬山

國朝

瀘溪口號四首

苗蕃

過嶺復過一嶺渡溪又渡雙溪澗底敲金戛玉林中吠犬鳴雞

溪口雪橋銀粟山腰兜竹斑斕糾葛江南亦冷輕裘塞北寧寒

卷一百五十一
虎豹深山似北鳧
鷺泛水知冬信
斧誰揮竹紙飛
輪自擣溪

春
昨宿溪斜晚翠
今來旭捲朝霞
半霧半晴
山麓如圖如畫
人家

芙蓉峰

嚴開禧

莫道琳宮寂寞
四面山映疎窗
九朵芙蓉秀出
凝眸日日秋

清流峰

夙仰名藍勝跡
飛泉拖練縈紆
疑是銀河倒落
蒼茫奇並佳

廬

